



**Io. Francisci Pici Mirandulae domini, concordiaeque comitis,
Physici libri duo, : I. De appetitu primae materiae ad
Cardinalem S. Mariae in porticu. II. De elementis, ad
Cardinalem Gurcensem ; Et rhetorici duo, de imitatione ad
Petrum Bembum. Petri Bembi Veneti De imitatione liber unus.**

<https://hdl.handle.net/1874/423705>

HANS

HOLB

IO·FRAN-
CISCI PICI MIRANDV
LAE DOMINI, CON/
cordiae&q; comitis,
PHYSICI LIBRI DVO,

- I. De appetitu primæ Materiæ
ad cardinalē S. Mariæ in porticu.
II. De elementis,
ad Cardinalem Gurensem.

ET
RHETORICI DV O, de imitatio
ne ad Petrum Bembum.

PETRIBEM
bi Veneti de imitatione
liber unus.



AMPLISS.PATRI.D.B.S.MARIAE IN POR
TICV CARDINALI, IO.FRANCI
SCVS PICVS. M. S.P.D.

Ferant in fabulis Adonidos horti, & in re
rum natura est ephemeron animal. Si cu
pis eorum uel spectare imaginem, en tibi
hunc libellum, dieculæ spatio conceptum
unius, pari temporis interuallo animi gestatum utero,
pari ferè in lucem effusum. An uero diutius illis super
futurum, alij iudicent. Tu uero si ipsum existimaueris
hortulum, non ea quidem specie, ut admittere possint
fabulæ satum ab ea quæ pulchritudinis antistes habe
batur, at fortasse solidæ frugi tutamentum præstiterit.
Si abortum censueris potiusquam legitimum naturæ
partū, at perfectæ soboli uiam fortasse reduserit. Agno
sces certe uel exiguum mei in te amoris & obseruantiae
monumentum. Vale.

LILIVS GREG.GYRALDV.

Augusti decus unicum Senatus
Ingentis Bibienna qui Leonis
Ingentes potē sustinere curas,
Hoc meus tibi quicquid est libelli
Picus dedicat: unus inter omnes
Ausus qui tribus explicare chartis
Formam materiæ appetentis umbras:
Vmbras(Iuppiter)inuias peritis.
Quare habe tibi, quod perenne siet
Perennis monumentum amoris eius.

IOANNIS FRAN

CISCI PICI MIRANDVLAE DOMINI,

CONCORDIAEQVE COMITIS, DE

APPETITV PRIMAE MA

TERIAE LIBELLVS.

PRAEFATIVNCVLA, QVA DOCETVR

QVID ET QVOMODO AGEN

DVM. CAPVT I.



CRIBITVR AB Aristotele , primo
in libro de naturalibus principijs, Lat-
ni primum Physicorum communi uo-
ce solent appellare, Materiam appete-
re formam, sicuti turpe pulchrū, & fœ-
mina marem. Super quibus uerbis tanta ut cæteris in
locis Peripateticæ philosophiæ inter Aristotelis inter-
pretes uarietas reperitur, ut in ipsa uarietate qualita ue-
ritas magis latere uideatur, ac tanquam lubricus piscis
piscatorum manus eludere. Quæ quidem res cum di-
gna consyderatione multa, iure meritóq; appareat, ten-
tabo sub examine reuocare uerba Philosophi: uariasq;
afferre sententias interpretum: atq; inde an uero con-
sonent perpendere: subinde quoq; quid ipse putem, a-
perte subiçere. Ipsamq; demum naturæ speculationem
a 2 subsignabo

subsignabo in autoris naturæ contemplationem & cul-
tum debere conuersti.

DE MATERIAE NOMINIBVS VARIIS, ITEM
QVID SIT, ET QVO MODO AGNO-
SCATVR. CAP. II.

NERBA ipsa quæ tractantur quid signifi-
cent, & quid id sit quod significatur, diligē-
ter inspicienda esse, tum Plato in Phædro
& in Conuiuio, tum Cicero postea in pri-
mo de officijs libro, tum quicūq; recte docēt, monuere.
Igitur quid materia, quid forma, quid turpe, quid pul-
chru, uideamus. nā si de appetitu materiae uerba facienda
sunt, cum appetitus sit accidentis & affectio ipsius mate-
riæ, uidetur utiq; ut is appetitus cognosci minime pos-
sit eo ignorato cui accidit ipse, & cuius est & habetur af-
fectio. Materia itaq; quo ad propositum pertinet opu-
sculum, dici solet proprie, & ex metaphora. hoc autē di-
uisonis membrū à præsenti speculatione seiuengemus.
illud relinquetur bifariam distinctum in primam & se-
tundam. & hac etiam dimissa, prima sumetur nobis, de
cuius appetitu differamus. Prima ergo materia ab Ari-
stotele dicitur subiectum uniuscuiuscq; primum ex quo
quidpiam fiat minime ex accidenti : uel si corruptitur
quidpiam in quod tanq; ultimum resoluatur, ex quo
fiunt quæcunq; fiunt, & in quod ea ipsa corruptūtur.

Differit

Dissent autem à materia subiectum, uti uoluit Themistius in ea quam de natura materiæ digressione primo Physicorum libro conseruit. Sanè Aristoteles ὑποκίνησις, hoc est subiectum materiam uocat. quod si consideretur in sese, tum materiæ nomen illi uerius cōgruat, si uero sub forma, subiecti rectius appellatio cōtingat, tametsi nomen utrūq; ex ijs habeatur quæ referuntur ad alterum. Voluit item eam in se rem esse quādam, & actu existere, deinde intelligi aliorum esse: & primum hanc posteriorem consyderationem rationem potentia, contrahere. Sed enim unita quidē formæ ipsa semper est: sed consyderari absq; illa potest ex ipsa uidelicet ad formam habitudine, unde analogia decreuit ipsam cognoscí philosophus Aristoteles, Plato uero notha (sic enim aiūt) ratione, utpote quæ legitime nullā sui cognitionem daret ex sese, sed ex formæ complexu dignosceretur, qui quod complexus uarius esset & multiplex, subindeq; iugiter mutaretur (quapropter Auerrois censuit, eam ex transmutatione ita esse cognitam, sicuti ex operatione forma deprehensa est) non defuere tamen & ex Platonis & ex Aristotelis sectatoribus, qui aliter analogiam proportionem hue, & notham rationem intelligerent, nāq; ex negatione & abdicatione formarum omnium uoluerunt animo quoquo modo uacillante comprehendendi: quando ea tantum legitima, nec proportiōe, aut relatione ulla nixa cogitatio sit, quæ

Aristoteles
Plato

Auerrois

Expositores

"

"

a , aliqua

aliqua rei forma habituq; paratur. Videnturq; i^j Pla-
tonico ei dogmati nixi, quod eo in Dialogo proditur,
qui Parmenides inscribitur, cum docet negationes in
materia priuatione significare, in deo uero rerū omniū
causam. Idem Plato χωραμ, id est locum uidelicet am-
plū, eam quādōq; uocauit, Eandēq; matrē prius à Pla-
Simplicius tone quām ab Aristotele nuncupatam cum alijs tū Sim-
plicius prodit: idq; propterea, quoniam suscipiat eam
quæ in ipsa sit formam ex parente rerum uniuersarum.
aliasq; itidem matris atq; etiam nutricis, quo nomine
usum quoq; Platonem assuerat, conditiones exponit.
sese nāq; sub uarijs formis spectandam præbens ipsa
materia, sui noticiam ex sese non ingerit contemplanti-
bus, sed ipsa ex uariatione subministrat, nec admodū le-
gitime, quoniam omnes formas amouere & abdicare
oportet.

QVID SIT FORMA, ET QUĀM MVLTAE
EIVS APPELLATIONES. ITEM QVID
TVRPE, QVID PVLCHRVM, QVID
APPETERE. CAP. III

FORMA uero, siue species, nam Forma ab af-
formando secernendōq; & interstinguen-
do, quanquam à μορφῃ Græco nomine
per metathesim deriuauere nonnulli: Spe-
cies autem a spectando uidetur deducta: sed iure hoc
siue illud maius, ab efficiēdo operādōq; noticiā sui lon-
ge latēq;

ge latēq; diffudit. eadē Ratio nūcupata est, quod ex ea ut proditur à quibusdam uera sumitur definitio. Rei etiam imago dicta est & Exemplar, & Græco uocabulo Idea: id autem est dicere species, sicut οὐσίᾳ forma. ut mirer Albertum nomen Idea tantum ad primum exē Albertus plar, ut in eo ipsa consyderatur, cum hac de re ageret re tulisse: Paradigma uero ut est ratio formæ: imaginis au tem ut iam est in materia, & illam ipsam imitatur. At species formāq; naturalis, de qua nobis est sermo, suāpte natura sese diffundit: spiritualiterq; humanis obtuti bus excipitur: quibus & ipsa sensilis rerum moles & di stincta, & uarie distincta, & effigjata percipitur, deinde ipsa quæ tam uarie spectatur distincta & afformata, in semet conuerti, agere patiç; cernitur: & modo in unum cogi, modo dirimi atq; dispesci: ita ut rerum species nō iam ab ipso subiecto, sed à forma nomen sortiātur. Pulchru chri uero nomen tametsi rebus etiam compositis sim plicibusq; tribui quandocq; soleat: nihilominus apud celebres autores, tam Platonicos q; Peripateticos, non ni si compositis rebus exacte tribuitur. consistit enim in eximia quadam & eleganti diuersarum partium compositione: ex quibus ipsa pulchritudo conflatur, indeq; dissultat. Turpe uero ex pulchritudinis absentia cognoscitur. est enim eius carentia atq; priuatio. illa perfe ctum opus suo in genere, hoc imperfectū & mancū, ut hinc satis apparere incipiat, cum dicitur ab Aristotele ita ap-

Appetere

ita appetere materia formam: ut turpe pulchrum, & fo-
mina marem: non ita accipiendum, ut uno in genere sit
facta collatio, sed in longe diuersis. appetere enim idem
est, quod desyderare, quod amare: quanç hoc non ita
exacte congruat rebus inanimis. Turpe quo ipsum in
sele dum accipitur, id pulchrum esse nunç potest: fo-
mina uero suo in genere potest esse pulcherima. sed ali-
ter intellexit Aristoteles. qua de re libelli progressu dis-
seremus, ubi quid alij prius de hoc toto negotio sense-
tint subsignauerimus.

EXPOSITIO THEMISTII ET SIMPLICII DE APPETITIV MATERIAE. CAP. IIII



THEMISTIVS Aristotelis Paraphrastes
appetitus mentionē indicat factā, ut ratio
reddereſ appetetiæ ppetuæ: sed cur (inquit
interprete Hermolao) suscipit uicibus for-
mas: appetens diuinitatis est, & discipiens boni, uoco
autem diuinum & bonum primam formam: & primā
causam quo referūtur, collimantq; omnia: & cui quæq;
res tendit fieri q̄simillima quantum potest: potest au-
tem quantum natura conceditur. ipſe uero appetitus
quid sit, & in quo sit, ipsum si interroges, ijs respōlurus
est uerbis: profecto inquit, uerissimum puto quod dici
tur prouidentiam fuisse: quæ & turpi desyderium hone-
statis, & egenti opulentiaæ quātum sit satis iniecerit. Sub-
dit primæ illi formæ & ab omni abiūcta materia: ijsq;
præterea

præterea formis, quæ pfectæ sunt ab illa, & in materia constitutæ priuationem contrariam esse & aduersam: Materiam uero referri, & quasi idētidem ad formā respectare, cuius sit appetētissima: mox colligit in materia non esse priuationem, quia formam & ipsa simul appeteret, simulq; labem etiam & corruptionem appeteret Simplicius uero differentiam inter materiam & exp.

priuationem eis uerbis factam putat. sed & habitudinē quo q; amborum ad formam subindicari censet. Referrā Latine si potero, quæ hac de re Græce ab eo sunt scripta. Discrimen materiæ priuationisq; tradit: & eam patiter quæ amborum est, ad formam habitudinem refert. diuinum enim quiddam & bonum & desyderabile est forma: & hāc appetit materia ex propria natura, contraria autem est priuatio, quæ nō desyderat suimet corruptionem. siquidem diuinum illud bonum & desyderabile, primam appellat formam, separatam, uide licet eam quam & intellectam & primam causam re uera nuncupat, ab omnibus quæ natura constituta sunt, ab ipso ortu desyderatam: utpote quorū diuina sit, cauſa: atq; ea ita sunt disposita uti unumquodq; eorum qua pollet uirtute, illius similitudinis desyderio teneatur. ea uero similitudo ipsorum propria perfectio est. perfectio autem compositis est, is qui secūdum formā status habet. materiæ uero pfectio formæ participatio. hæc Simplicius. De appetitu uero, quē ἐφεσι ταμ. ipse b quam

quām Aristoteles uocat, Latini uertūt desyderium, uerba faciens, eum non secus debere tribui docet inanimis naturalibus, ac animatis ὄγενη. hūc appetitū Latine uocant. unde inter appetitum & desyderium ita diremit: uti hunc animatis, illud autem inanimatis rebus congruere docuerit.

ARGUMENTA AVICENNAE CONTRA ARISTOTELEM DE APPETITV MATERIAE:
ITEM EX PRIMO AVERROIS
ET ALBERTI. CAP. V

NON placuit Avicennæ Platone cōtra Aristotēlibentius secuto, hūc esse in materia appetitū. trifaria mīq; argumētatur in Aristotelem, quādō nec animalis is queat esse nec naturalis appetitus: unde nullo pacto materiae inesse cōset. Facile dabūt omnes concedent cōtra primam sumptu partem, secūdam uero ipse reuincere conatur: deinde q; patefacere in cōnexo esse ueritatem. Primo quia & forma & inclinante uirtute, materia ipsa suapte natura deſtituitur: neq; de ea instar grauiū & leuium decerni potest: quæ suis formis, uel tolli in altum appetunt, uel ad ima delabi. Secundo si formam appeteret, materia, uel ex eo is dimanaret appetitus, quia careret omni forma: uel inde proueniret, quod multas una formas concupisceret, uel fastidio prioris formæ spectaret eō ut aliā sub indueret. Tertio metaphoram non admittit, quam de

decere

decere philosophum existimat, ut qui poetarum more sc̄emina maris desiderio teneri tam graui tanquam serio de rebus naturae conscripto uolumine prodiderit. hæc ex Aucenna. Auerrois autem Aristotelis opinionem hunc exponit in modum: ut is sit appetitus acquirendæ formæ, cui utpote rei perfectæ atq; diuinæ quo ad potest similis euadere cupit. demumq; Aristotelem appetitus nomine putat significasse id, quod ei inest motionis ad formam suscipiendam. ibi q; dirimit appetitum: in naturalem uidelicet eum, qui sit sine sensu, qualē plantis natura præbuit ad se nutriendas: & in sensilem, quo pollent animalia. prioremq; illum tribuit materiae ad omnes formas uicissitudine uaria suscipie das. Idq; uoluit prodire ratione priuationis, quæ ipsi materiae connexa commixtaq; sit. Cur autem appetitum hunc introduxit? ut ea scilicet dignitate qua polliceret materia, non ornari priuationem significaret: & ostenderet pariter priuationē ipsam cū materia iungi. Nec longe discessit Albertus cognomine Magnus: appetitus mentionem factam indicans ob discrimen priuationis atq; materiae: eumq; eius gratia innatum punitat ipsi materiae, non ut conseruetur, sed potius ut transmutetur in id quod appetit. ibidem quoq; post nonnulla quæ aduersus Platonem dicta fuisse autumat, subiecit appetitum ex incompleta similitudine prodire: quæ compleri procuratur facta in id ipsum quod

b 2 appetitur

appetitur transmutatione quo sit ut talis insit materiae
appetitus ob mixtionem priuationis: cum formae ha-
beat inchoationem, ad quam desyderat transmutari. sed
ne officeret sibi ,regereret quod exploserat: priua-
tio nem uidelicet non posse habere formae cupidinem , ut
pote rei pernitiosae:id autem ex eo sequi si materia pri-
uationis ratione id efficeret: dupl. propterea priua-
tio inuexit.alteram quae sit aduersa formae : alte-
ram quae sit aptitudo suscipienda formae in subiecto re-
licta:cui motus initium,quo ad ipsam attinet materia,
fertur acceptum,atque id causa sit appetitus & desyderij,
quam uisus est quoquo modo probasse opinionem Io.
Picus patruus in Heptaplo. Mox digrediens Albertus,
plurimaque commiscens, duplicitis meminit appetitus,in
tellectilis & naturalis.atque hunc bifariam docet posse ca-
pi,uti uidelicet intelligatur inesse materiae: Vel tamenque sub-
iectae rei:quo pacto negat eam appetitu pollere: Vel tamen
que motae rei a motore scilicet:qui appetitum habet,a quo
procedens motus habet etiam ut sit actus rei mobilis:
atque huc in modum materiae docet inesse appetitum pra-
ordinato fine ,in quem directe mouetur ,quo modo
sit dictum ab Aristotele opus naturae,opus esse intelli-
gendiæ.duplicitis postea meminit desyderij, perenitatis ui-
delicet,idque rei perfectae uoluit aptari:& transmutatio-
nis,quod rei docet imperfectæ congruere.

Expositio

Duplex
priuatio.Io. Pic.
Duplex
appetitus,
intellecti/
uus & na/
turalis.

EXPOSITIO S. THOMAE, QVA ET ARGV-
MENTIS AVICENNAE RESPONDET. CAP. VI

ANCTVS Thomas ex aduerso Auerrois uidetur exponere: & argumentis Auicenæ respondet. existimat autem Aristotelé uti priuationem à materia distingui monstraret, appetitus mentionem fecisse. Ideoq; primo probatum ab eo putat & affirmando & ostendendo materiā esse tanq; matrem, quæ unā cum forma sit rerum causa naturalium. Priuationem uero non constituere & generare: sed detrahere & corrūpere id quod forma paratur: forma inquā quæ tanq; diuinum quiddam & optimum habita sit. Deinde idipsum probari existimat ex absurdo, quod sequeretur ni ita decretū foret. unde appetitus materiæ ductus est in medium, quo pollere nō potest priuatio. quo sit ut ni distinguatur à materia, & ipsa quoq; appetat, & sui etiam ipsius inde appetat corruptionem. nihil autem est aliud eo decernente appetitus materiæ, sicuti nec omnis aliis qui nō prodeat à cognitione appetitus, q; naturalis quorundam ordinatio secundum propriam naturam in finem suum. atq; ita dissoluere conatur argumēta Auicenæ. necq; enim actū duntaxat ordinari putat in finem: sed potentiam, qualis materia: quæ tametsi formetur, nihilominus uti alias formas suscipiat potestatem non admittit. nec id euenter ex fastidio, aut cupidine consequendi simul cōtraria: b , sed ipsa

sed ipsa potentiae cōditione:quia fertur in alias formas dum una tantummodo potiatur.nec etiam figurata inquit Aristotelē locutione uti,sed exēplo:quoniam supra-dixerat materiam proportione cognosci,cum sese habeat ad formas,quæ substantiam pariunt,perinde ac sensilis ipsa materia ad formas accidentarias.quāquā subdit,aduersus Platonē metaphoris à Platone ipso sumptis Aristotelem disseruisse.

EXPOSITIONES SVPRA NARRATAE PARTIM CONFVTANTVR, PARTIM EXPO
NVNTVR. VBI DOGMA ARISTOTELE
VM INCIPIT APERIRI. CAP. VII

NERVM enim uero nō satis omnino pcepisse Aristotelis mentē uident̄ citati interpretes.utitur enim Aristoteles ipso nomine ἡφέσιος,nam hoc nomen tribuit inanima-tis rebus Simplicius,ὅρεξη uero nō rebus inanimis,sed pollutibus anima.utitur inquā nomine ἡφέσιος, quem siue appetitum,siue desyderiū nuncupes,ut eo interme-dio monstret,tria esse rerum naturalium principia,qua lia ipse statuenda præposuit,materiam,formam,priua-tionem,non qualia philosophi priores inuexerāt. eāc omni no inter se distingui docet intermedio etiā appeti-tu:qui cum materiæ congruat,formæ non congruet,de-dit intelligi materiam à forma dispesci.id ipsum de pri-uatione parauit.& quanquam antea dixerat hac de re non nihil

DE APPETITV PRIMAE MATERIAE LIB. I 15
non nihil, ut satis constat: ut etiam paulo post explicabimus: hoc tamen loco id ipsum repetit tantisper dum inter ipsa tria principia discrimen statuat. Alia etiam utitur ratione, non quae scilicet iam sumatur ex natura materiae & consideratione priuationis, ut ante fecerat: sed quae de conditione profluat appetentis desiderantie naturae. eorum autem expositorum, quos supra citauimus, nullus hoc explicuit. innuit Simplicius cum utriusque materiae uidelicet atque priuationis habitudinem ad formam citauit. Itaque Aristoteles priuationem non esse idem quod materia decreuit: quoniam appetitus illi ad formam habendam non congrueret: utpote ad id quo designaretur, nihil enim est auidum proprij interitus, si illa scilicet sit auiditas inusta natura. Duo itaque principia cum statuisse: alterum uti matre, materiam uidelicet, caput in em & tanquam receptaculum formae: itemque priuationem, quae formae uidelicet aduersaretur: satisque esse docuisset haec tria ad omnes res constitutas: distingui mox illa inter se docuit ipso appetitu: qui materiam quod intimus inueniunturque esset ob perfectionem naturaliter qualitas sui: & a duobus illis, hoc est forma, atque priuatione diuersus & esset & iure meritoque haberetur. quando alterum semet non appeteret, alterum suimet corruptionem appetere nequiret. Itaque non ideo hunc introduxit appetitum Aristoteles, uel uti doceret priuationem dignitate non pollere in reum generatione: uel uti subsignaret priuationem coniungi

iungi cum materia, eos uidelicet reprehensurus qui id negarent: quasi eos hoc circūstaret in cōmodum, quia concedere nequirent hoc desiderium esse naturale. Nā Auicenna tantum aberat, ut hoc putaret absurdum in philosophia: ut tribus rationibus ipsum tollere appetitum, & à materia dispellere tentauerit. Cuius rei mirum est Auerroem hoc ipso in loco, id est particula octogesi maprima fuisse oblitum: cum rāmen D. Thomas & eius opinionem citauerit, & rationes dissoluere procura rit. Errare Auerrois præterea uidetur, cum non intellexit comparationē Aristotelis de turpi & pulchro, & fœmina & mare: quæ primori fronte satis fecisse illi nō satis uisa, mox libenter admissa est: quando sermo fieret de re sensili, quam docuit præter compositionem nō intelligi. Melius certe sanctus Thomas, cui placuit factā appetitus materiæ mentionem: ut inde monstraretur id non esse priuatio quod materia. quando hæc appeteret formam, quam illa neutiq; posset appeterere, nisi simul proprium interitum, propriam abolitionem experteret. quod & antea Simplicius existimauerat. At optas sem, uel inde etiam formæ & materiæ distinctionē sub indicatam, saltem eam quā ipsemet Aristoteles uel explicat, uel dubio procul innuit, quod uel de longinquo ut uidetur, Simplicius animaduertit. supra etenim do cuerat Aristoteles materiam à priuatione differre, per illa uerba, ἡμεῖς μὲν γάρ οὐλαρι καὶ σέρχομεν εἴτε οὐ ξίναι φαμέν.

τὸ μὲν

**Declarat
sc̄tūs Tho
mas & Sim
plicius.**

τὸ μὲρον ὅπερ ἔιναι μὴ σὺ μεθεκός τὴν ὕλην, τὴν δὲ σέρπιμην κατὰ
αὐτην. hoc est, Nos quidem igitur materiam & priuationē
aliud esse dicimus, hoc quidem non ens, secundum acci-
dens materiam, priuationem autem secūdum se ipsam.
Hoc autem totum quid aliud? quam alterum esse non
ens, hoc est priuationē, Alterum ens, id est materiam:
sed ens ex accidenti, formae scilicet cōplexu, per seipsum
uero non ens. Mox & subiecit materiam quidē ipsam
substātiām siue essentiam (nam apud eum iacet ὁντια)
esse, non simpliciter, sed εἰγνε, hoc est iuxta uel propè,
& πῶς, hoc est quodāmodo, τὴν δὲ σέρπιμην ὄνδρα μῶς, hoc
est, priuationem uero nequaquam. Satis itaq; dederat Ari-
stoteles intelligi materiam à priuatione differre, & quia
illa non ens esset, secundum accidens, & prope substā-
tiām, quodamcū modo substantia: Priuatio uero secun-
dum seipsum non esset, & nullo modo substantia. ac sa-
nè id uidentur simul omnes committere, quod locum
ipsum non accipiunt, ut in eo fiat inter ipsa principia di-
scrimen: sed in materiam duntaxat atq; priuationē. De
inde non satis uidentur explicare, ubi nam sit ille appe-
tus. Apparet autem ipsi materiæ illū non inesse, si Al-
bertum sequi uolumus: sed in eo situm esse unde mo-
tus fiat initium in ipsa materia: si etiam sequi uolumus
Auerroem, ubi illa prodit uerba: & si non esset aliquod
non habens formam, non esset aliquod appetens for-
mam: post formam, quo autem pacto proprie tum di-

c ceretur

ceretur appetitus materiæ? num pari pacto appeteret forma & priuatio? quandoquidem ab eo qui motum parat, ita forma iungitur materiæ, & materia format: sicuti priuatio subministrat contrarietatem, atq; ipsi rem generati famulatur. S. Thomas id ipsum uidetur uelle: sed naturalis nihilominus appetitus exactiore aliquanto mentionem dum facit, materiæ illum potius uidetur iungere.

AUTORIS RATIONES QVIBVS OPINIO
AVICENNAE POSSIT CORRO-
BORARI. CAP. VIII

SED enim præter Avicennæ rationes, quas tueri posset, qui sequi uellet Alberti opinio nem, à materia qua subiectum est appetitū abdicantis: & Auerrois etiam sensum, qui materiae formatæ id uideat dare: possent multa adduci, ut monstraretur ipsi materiae in se se non esse appetitū. Neq; enim aliò tendunt magni illius philosophi argumenta, quām ut monstraret ipsi materiae tribui appetitū non posse, ut in se ut priuata forma cōsideratur. Adij ciā quæpiam ut id corroborem. Appetere partes sunt actus secūdū: secundus autem actus primū supponit, & in eo tanq; fundatur & stabilitur. materia uero actus primus nō est, sed pura potentia ad actū facta & para- ta: quando omnis actus à forma, sicuti & omnis opera tio. Nec illa actus distinctio, Ioannis Scoti subtilitate excogitata.

excogitata:ni forte illam prius Themistius aduertit in digressione materiae, refragaretur. Imaginaretur enim actum quē uocat entitatum, liceat mihi per uindices Romanæ linguae Parisiensi uti uerbo. illum inquā imaginatur actū, quo fieri posset ut sine forma quiret materia permanere. quod Themistius neuticet admireret. Illum enim actum eundem non facit cum eo qui actus primus ab Aristotele nuncupatur: qui ceterū aliud non est quam forma, siue de forma prodiens: quo pacto dicitur anima esse actus corporis: à quo uidelicet actu reliquæ functiones, hoc est, intelligere, uelle, desiderare, & cæteræ id genus, qui secundi actus nuncupatur, ex surgunt. Dicitur fortassis, ex ipso quod est appetere, cū de materia id prædicatur, nihil aliud dari intelligi, quam inclinationem quampliam & habitudinem ad formā. esto, sed de illa quoque habitudine & inclinatione quae sit fiet. ea enim cum relatio sit, certe accidens est: ut inde actus aliquis existimetur esse. actus autem accidentis per se existere nequit: quoniam omne accidens corporeum formæ aduenit, & eam comitatur uelut umbra corpus. & quanquam inter accidentia sunt quae formā proprius, sunt quae materiam proximius consequi dicuntur: nullū tamen est eorum quod non compositæ adueniat rei: quodque aut cerni, aut uere possit intelligi: priusquam unum quiddam ex forma, atque materia coaluerit.

AVTORIS OPINIO, ET EXPOSITIO
ARISTOTELIS VERBORVM, CAP.IX



V P R A docuimus non recte satis expositū super hoc loco philosophum Aristotelem. Colligiçq; inde posset, quæ hac ipsa de re, nostra ferat opinio, uoluisse uidelicet Aristotelem tria illa rerum naturalium principia constituer, quæ inter se suapte illorū natura dissiderent, quoniam uni appetitus inesset, qui non esset in cæteris: quæ ab alterutris etiam quæ contraria, atq; pugnantia dirimerentur: subindéq; ipsum appetitū non satis consone ab omnibus admissum, nec exacte fortassis intellectū atq; perpensum: sed latius aliquāto explicanda res est, & præstandum quod polliciti sumus. Itaq; quod appetit formam, id aut ipsa forma est, aut priuatio, aut materia: In principijs etenim naturalib; as, atq;, ut ita dixerim, in ipso primo naturæ sinu, cum nihil aliud sit præter hæc tria, nihil etiam est aliud quod appetat. An forte appetit forma: neutiçq;. quando seipsum nihil appetit: id enim appetitur quod non habetur. Adde quod naturalis forma per se non existit: sicuti nec existit sine forma materia. concurrunt enim, concidunt, conueniunt ambo in rei sensilis compositione atq; conflatu. quicquid enim in sublunari hac machina spectari, certi, tangi potest, ex illis duobus conflatur & coalescit. Priuatio quo minus appetere potest, ipsa enim nō est quicquam, nisi

quām, nisi negatio in subiecto ad formā apto: hoc autem est priuatio formæ: quod autem ipsum nō est, nec appetere utiq; potest. Ad hæc nihil appetit quod consequi id quod appetit quoquomodo nō possit: frustra enim appeteret. Naturalis autem rei desideriū frustra esse qui diceret, & toti philosophiæ & ipsi Aristoteli maxime aduersaretur, qui & in secūdo Physicorū & in Politicis & in Metaphysicis & alibi naturam quicq; agere frustra non admittit. Quare si priuatio appeteret, appeteret id quod habere unq; nequiret: atq; idcirco frustra & incassum talem appetitum natura parauisset. Relinquitur igitur ut materia appetat, quod Aristoteles affirmit, sed hoc etiam nonnulla circūstant incommoda: quæ supra duximus in controuersiam, cum & argumēta Auicennæ tractaremus, & opinionem Alberti & Auerrois non dissentientem, & nostras etiam ad id rationes explicaremus. Quapropter mihi uidetur materiam nō quā materia, sed quā subiectum appetere. subiectū inquām hoc est materia formata. Clarius loquar: materia sub forma. uoluit enim Boethus ille inter Græcos Boethius Peripateticos & uetus & celeber: materiam qualitatibus informatam, materiam amplius non remanere, hæc itaq; materia sub forma: nam suapte natura primo, siue formam, siue dimensionem, adeo ipsa uidetur appetere, quia prior quodam ordine spectatur quām forma: adeo non appetere, quia nunquam illa caruit: ut

hinc uerum eum appetitum esse negare quispiam posset. Sub forma inquam aliam formam appetit: qua ob tenta, aliam subindeq; aliam: adeo ut suapte inclinatione infinitas ascisceret successione perpetua: nec hanc solum, nec illam signanter uerum formam ipsam absolute quod & in communi, sed in particulari eam cui est magis proxima facta: uel ex ipsa formæ quam possidet cognitione: quæ suopte ingenio magis illi propinquæ habetur & sit: quo pacto dicitur ab Aristotele in ijs quæ habent symbolum, faciliorem transitum fieri: uel etiam actione agentis extrinsecus causæ eò inclinata, atq; disposita. ignis enim & aquæ multa est discordia, actione tamen continua ipsius ignis in aquam, ex ipsa aqua fit ignis. at aer ex aqua ob naturæ minorem in qualitatibus repugnationem faciliter prodiret. hinc nō frustra uidentur à quibusdam duo in materia appetitus excogitati: quorum alter sit proximæ formæ cupidus quædam: alter formam spectet in communi generatione & absolute: quod uisus est uelle, uel de longinquo Albertus. atque huic appetitui ferri potest accepta generatio continua. Illi uero uaria formarum uicissitudo. Materia itaq; formata quidem, sed sub ipsius tamen materiæ ratione, formam appetit, & particularem, & in cōmuni. siquidem illa nunq; forma caruit: quare non potuit omni forma nudata formam appetere: nec ex se appetitum habere potest: cum actus non sit

Duo appetitus in materia natu
rales.

non sit, in quo fundari conuenit appetitum. Inest tamē ei quāquā sub forma formæ appetitus non eius quā habet, sed alterius, nō quos exposuimus modis. Atque hinc similitudines illæ q̄̄ rectæ sint ab Aristotele exco-gitatæ, iā iā erit in promptu. id quod turpe est, aliquid est: quoniā ita turpitudo in partiū cōflatu dissōno cōsi-stit, ut pulchritudo in eleganti & consono. Quod ergo turpe est, appetit ut sit pulchrum: hoc est, cupit quod imperfectum est, perfici. quā turpe, id est sub ratio-ne turpitudinis non appetit. turpitudo enim est ipsa negatio in subiecto: ipsa priuatio pulchritudinis, ipsa deformitas, quæ non perficitur ipsa, sed abiçitur ad-uentante pulchritudine. Quare appetit id quod est tur-pe, abiecta turpitudine ac deformitate formosam in-duere speciem & pulchram: quod nihil est aliud quā turpi explosa forma, pulchra forma uestiri. utimur me-taphoris: quoniam cum desunt propria nomina, trans-latitij utendum est, quæ & interdum ex usu com-muni loquendi reī ipsam exprimunt significantius, & tanquā sub oculos ponunt. Itaq; quod turpe est, hoc est subiectum quod afficitur turpitudine, pulchritudi-nem appetit. sic & fœmina virum esse si opte inge-nio cuperet: non quod turpis in fœse fœmineus sexus, sed quia uirili imperfectior. quia igitur subiectū imper-fecto sexu affectum est, affici perfecto cuperet. quibus omnibus conficitur materiam formæ desyderio teneri,

quoniā

quoniā perfectam numeris omnibus formam & omni
no pulchram non possidet:nec ullam talem in hac sub
lunari machina est reperire.hinc uariando formæ inna
tus appetitus:ut materia formam tandem in communī
perfectamq; induat:quæ quia non inuenitur,alias atq;
alias quærit congenito defyderio semper auida. & quā
quam illi id ipsum ab eius autore sit inditum,in ea ta
mē est,id est inclinatio ei inest ad formas à primo ortu
naturæ congenita.

CONVERTITVR DISPUTATIO AD DI
VINAM CONTEMPLATIONEM ET
AMOREM. CAP. X ET VLT.

SED quoniam parum uel nihil potius est
actū,nisi nobis ipsis philosophemur. alio
qui male nos philosophari compertum est
consensu omnium qui prædare in literis au
diuerunt.Ideo ad institutionē uitæ & emendationem
morum totam disputationem conuertamus: ut deum
ipsum,qui est finis ueræ philosophiæ,intellectu quoad
fieri potest cognitum,& amemus,& ipso beemur . Ita
Pythagorici ueteres:ita Platonici quoquo modo: No
stri uero qui uere sapiunt,uel identidē uel omnino sem
per.Possimus ex appetitu formæ in cōmuni compre
hendere eam pro modulo suo, infimāq; rerum sorte: si
tamen res dici exacte potest:deū quærere. Deus enim
quanquam

quanquam forma proprie & omnino exacte dici ne-
 quit, quia formae nomen materiam respicit: nec item a-
 etus, quia id uocabuli potentiam innuit: minus tamen
 improprie ita uocaretur, quam uocabulo signaret' ma-
 teriae omnium productorum rerum despiciatissimae. itaque
 deum pro suo modulo querit materia: unde & diuinum
 quiddam appetere dicta est. quia uidelicet forma diui-
 nius quiddam quam materia existimatur, & si Themis
 stio statim, ipsius primae causae est appetentissima. &
 quoniam illam consequi nequit: uel tenue ipsius expe-
 tit uestigium, id est, sensilem formam: qua induta quo-
 niam contenta non est & satira, aliam querit identidem:
 & quia non habet, quam habet permutat indiga ma-
 ioris boni. habetur enim minus bonum, maioris boni
 comparatione deterius: minusque pulchrum, si maiori co-
 ponatur conferaturque turpitudine quadam uidebitur
 de honestari. quocirca innotis est ipsa bonitas, ipsa pul-
 chritudo: quibus conficitur, ut prima materia rerum pa-
 rents sublunarium atque sensilium, ut indiga est summam
 illius bonitatis, ita & sitibunda: ppter eaque ad illam quo-
 ad uires eius suppetunt, anhelat semper. pudeat autem
 nos, quorum animi sunt multis uitijs quasi maculis fo-
 di & turpes, ipsa nolle uirtutis specie pulchritudinemque
 uestiri: & ex uario eius habitu, non permutato quidem
 sed subinde ascito, ad ipsam pulchritudinem rerum diuina-
 tum totis uiribus properare: ut quod Propheta cecinit, propheta.
 d euntes

» euntes de uirtute in uirtutem, uideamus deum deorum
 » in Sion, pudeat nos uel abieciisse penitus, uel retudisse
 » aciem congeniti stimuli, & prope innati à naturæ ortu,
 » quo bearī cupimus. quando rerū quæ sub obtutum ca-
 » dunt pereuntium, & singulis momentis fatiscentiū, ua-
 » na & umbratili prorsus imagine decepti, nuntiū remit-
 » timus supernis donis, diuinitusq; illapsis formis uirtu-
 » tū, quibus fit gradus ad ultimā humani animi formā,
 » hoc est diuinā felicitatē. Cuius quærendæ appetitio, dei
 » dono indita & tanq; inusta naturæ, permutatur defy-
 » derio retinendæ formæ ignobilis, & sæpe noxiæ, rerum
 » minus bonarū, atq; afferentiū perniciem: ut quæ & stu-
 » porem animo, & lethæam quandā obliuionē cœlestiū
 » inducat. Adeo amentes, adeo stupidi sumus: ut uinci
 » nos permittamus à rebus omnibus sola naturæ inclina-
 » tione donatis: nec mentis iudicio pollutibus, nec arbi-
 » trij libertate, quo cæteris præstamus animantibus. quid
 » rerū usi uocabulo sumus? quando & à prima ipsa, de
 » qua sumus locuti, materia superemur. quæ quoquo mo-
 » do, non autem perfecta res est: nihilominus agitatu cō-
 » tinuo eam nobis indicat: quā habere possunt omnes:
 » sed pauci uere uolunt, pleriq; non quærunt, nonnulli &
 » posthabent, etiam negligunt felicitatem.

IO. FRANCISCI PICI MIRANDVLAE DOMINI,
ET CONCORDIAE COMITIS, LIBRI DE AP-
PETITV PRIMAE MATERIAE, FINIS.

Ampliss.

AMPLISS. ET IL-
 LVSTRISS. D. M. L. CARD. ET PRINCIPI GVR
 CENSI, AC IN ITALIA PROCAESARI, IO.
 FRANCISCVS PICVS MIRAN
 DVLA FELICITATEM.



VPLICI ferè modo nostræ ætatis viri
 doctrinæ studijs addicti philosophā-
 tur. Alij Aristotelea placita, aut inter-
 pretantur, aut sequuntur, uel solo in Ly-
 cio uersati, uel in Academiæ spatijs de-
 currentes, quo in genere pleraq; iā scri-
 psimus. Alij noua quædā, & si ab antiquis dissideant, co-
 mentātur. Qua de re nūc excitandorū causa ingeniorū,
 placuit experiri de elementis, si contradicere veteribus
 philosophis p̄babiliter possem: & hoc de genere maio-
 ribus tāc̄z praeludere monumētis. Dediti occasione tu
 aliquā, ut hæc ad te in præsentia mitterem: excitata nup
 abs te de uisilibus radīs quaestione subtilissima, quæ
 diu exagitata in elemētis tandem recepta est. Dederis &
 cumulatiōrē spero, ut maiora, ita & meliora scribēdi pa-
 rata nobis prop̄modū uia: quādo meæ ditionis rebus
 tua & autoritate & opera paulo ante cōpositis, potero
 quod tēporis in peregrinationibus, in exilijs, in tumulti
 bus conterebatur, id totū & domi, & in patria ditione,
 & pacato in ocio literarum studijs impertiri. Vale.

d 2 Io.

IOANNIS FRAN
CISCI PICI MIRANDVLAE DOMINI,
DE ELEMENTIS LIBER:

OPINIONES VARIAE DE NVMERO ELE-
MENTORVM, ET EORVM QVAE EX IL-
LIS CONSTITVANTVR. CAP. I



ETVS opinio est à primis usq; dedu-
cta sæculis, philosophorum & medico-
rum firmata consensu, rerum elemen-
ta transmutari inuicem, atq; misceri.
Quo autē numero illa essent, quo mo-
do miscerentur, inter antiquos multa dissensio. Nā qui
plura quatuor, qui pauciora, qui numerosissima, qui in-
finita fecerint inuerti sunt: qua de re & alijs pleriq; & nos
in primo De uanitate doctrinæ gentium, late disputa-
mus. Aristoteles, & qui eum sequuti, quatuor contenti
fuere: idq; uisum etiam Platonī. Sed inter utriusq; se-
cta, hoc est, Peripateticæ, atq; Platonicæ philosophos
non parua lis. Quoniam illi res quaspiam eximūt etiā
corporeas ab elementis, & eorum mixtionis faciunt in-
munes: hi nullo pacto. Quintam rerum essentiam cō-
mentus est Aristoteles ab elementorum conditione di-
uersam: eāq; & cælum & stellas, superiorāq; illa omnia
corpora

corpora constituit. Ex Platonicis uero sunt qui quanqz
cælestia ex ipsis quatuor conflant elementis: plurimum
tamen ex igne habere contendat, nec aeris faciat omni
no expertes. reliqua aut minime, aut uix in participatu
admittunt. A cuius sententia nō usqzquaqz uisi abhor
tere, qui materiam in cælo esse contendunt, eiusdem cū
ea naturæ quæ sub elemētis continet: ex quibus omnia
postea sublunaria coagmētata sunt atqz coalita: ob præ
stantiam tamen formæ cælestis, & abiectam rerum ter
renarum sortem, hæc transmutari, atqz corrupti subin
dEqz generari: illa inuiolata & incorrupta permanere
decernunt.

DE MAGNITUDINE, ET QVALITATE ELE
MENTORVM, ET MIXTIONIS MODO,
DIVERSAE NARRANTVR SEN
TENTIAE. CAPVT. II

NODV M uero mixtionis uarium diuersi red
didere, nam qui elementa sibi certa & signa
ta magnitudine aliud alio præstare existi
marunt, eorum etiam qualitates certo quo
dam tenore qualitatibus aliorum præstare dixerunt.
Alij uero qui excedere se quidem elementa sunt arbitra
ti suapte mole & magnitudine: qui enim negari id po
test: quoniam uisu constat, terram ambari aqua, & aquæ
circūduci aerem: quem æthere, siue igne uallari recipi so
let: iij nihilominus quota portione alterum præstaret al
d 3 teri, sciri

teri, sciri posse negauerunt. & hæc, ut mihi uidetur, uero, similior omnino sententia: quis enim metiri magnitudines elementorum quiret: nedum adeo metiri, ut quod cuique præcelleret, quotaque portione præstaret alterum alteri, exacte censeret: Quæ enim cernuntur elementa ignis, aer, aqua, terra, proprie elementa esse non recipiuntur: sed naturæ quæpiam ex elementis mixtae, atque co-alitæ: siue ea mixtio à prima rerum conditarum origine facta fuerit, cum prima omnium materia elementis elementaque rebus, quæ ex ipsis coaluerunt, substrata sint: siue tempore succedente postmodum, id est identem obtigerit, manente uidelicet aliqua puri elementi particula in propria cuiusque sphæra: ut uerbi causa, cum terræ portio ad terræ centrum, quod ex terra purum, atque impermixtum uidetur quibusdam, secesserit: syncerus ignis ad lunæ conuexa migrauerit: Media quoque elementa aqua & aer, ad suas quodque sedes intimas immixtæ sese in penetralia receperint: quod placuisse uidetur Auerroi, quartum Meteororum librum enarranti, quāque aliter sensit media in Paraphrasi primi libri Meteororum, dum aduersus Alexandrum Aphrodiseum disputaret. Certum sane constansque haberi debet, nullum elementum purum, atque syncerum posse sentir: quādoquidē sensus ipse ex diuersis conflatus, nihil nisi simile, id est ex diuersis quoque conflatū percipere potens est: ea uero perceptio qualitatibus quatuor fieri

omniū

omniū ferè consensu decretū est. Quarū cuiq; elemen-
to duas, permutatis tamen uicibus (nam uariæ uarijs in
elementis miscētur) attribuere: eæ sunt caliditas, frigidit
tas, siccitas, humiditas. Terræ siccitatē & frigiditatē,
aquaē humiditatē & frigiditatē, aerī humiditatē & cali-
ditatē, igni siccitatē & caliditatē tradidere. Itaq; duo
elementa penitus ab alijs duobus dissident. Quādā ue
to aliqua ex parte cōueniunt, aliqua ex parte remouen/
tur. Terra cū aqua frigiditate cōsentit, dissidet humili-
tate, qua pollet aqua: siccitate uero terra pollet humili-
tati contraria. Terræ & aerī nulla affinitas: utraq; enim
pugnat qualitate. hæc siccā est frigidāq; ille humens &
calidus. Terra igni siccitate iungitur, dissipatur frigore:
cū igni calor obtigerit. Aqua aerī cōuenit humiditate:
pugnat frigiditate calori cōtraria. Igni aqua utraq; pu-
gnat qualitate. hæc frigore & humore prædita, ille sicc-
itate atq; calore uiget. Aer igni calore consentit, dissentit
hūore, quo neutiç; ignis participat. Extrema itaq; ter-
ra & ignis suis qualitatibus parte cōueniūt, hoc est sicc-
itate: parte dissentīt, quādo hic calore pollet maxime,
illa frigiditate. Aqua & aer, quæ medium inter extrema
sunt locum sortita, inter se quidem humore consentiūt,
frigore dissentīunt atque calore. ut hinc demirari quis-
piam possit, cur quæ maxime distant situ, mundiq; re-
gionem sortita sunt maxime aduersam atque remo-
tam, qualitatibus etiam non maxime distent. atque
hinc

hinc(ut opinor)suit Aristoteles hac in re uarius,quādō
in opere De cælo,terrā opposuit igni, ex maxima loco
rum distantia maximam repugnationem inuectus. in
libris uero De generatione,igni aquā opposuit ex pu-
gna qualitatum.Sanè conuenire dicitur ignis supremū
fortitus locum siccitate cum terra.Aqua uero igni propi-
or,ut quæ super terra sit collocata:utraq; ab igne quali-
tate dissentit,nam & quæ ignis sunt, & quæ aquæ cōdi-
tiones,inter se sic pugnant,ut pugnare magis non pos-
sint:& quanq; dici proprie & exacte nequit:ut quæ in-
ter se nō pugnāt qualitates,ita ut altera expellat alterā
si sit potentior,nō sint aduersæ dissidenteſq;:ut quæ ui-
delicet sese eodem in subiecto compatiantur,etiam si
sint maxime intentæ,ut calor & siccitas in igne:quate-
nus tamen diuersis & pugnantibus cōueniunt,eatenus
quoquomodo dissidere dici possunt.siccitas enim & cū
calore frigiditatis hoste potest(ut ita loquar)hospitari,
& ab ipsa quoq; frigiditate suscipitur hospitio:quæ cū
sint aduersa illa,quoquomodo etiā aduersari hæc ipsa
inter sese uisa sunt.Sed utcunq; sese res habeat:ex qua
tuor istis qualitatibus,quæ primæ dicuntur,nasci cūcta
ueteres decreuere.Agunt itaq; inter sese elementa,com-
mercia quædam exercent,seseq; petunt, à natura impe-
tum nacta sese mutuo petendi.Vnde illis Græci nomē
fecere σοιχεῖα,quasi uaderent in sese.uisa etiam tāq; bel-
lare armis uidelicet qualitatum cōtrariarū:ita ut ex pu-
gna illa.

Vnde no/
mē elemēti
apud Græ
cos.

gna illa, modo uictoria, modo clades hinc inde spectetur. cōuenire etiam inter se uisa, & quasi foedera iungere & nuptias: ex quibus proles exoriretur. hinc apud pri scos illos philosophos, qui sub fabularū inuolucris ob nubebant secretioris dogmata philosophia, ex lite & amicitia cuncta fieri decretum est. Hinc Iouis & Juno, nis nuptiae: quando ille pro igne æthereue, unde & ^{Zeus} πόνον γέει, hoc est, a feruore nūcupatus: Juno pro æ re, quæ & soror etiam dicta, quoniam proxima & cælo eadem ferè cognitione coniuncta. hinc & Iouis etiam cum terra matrimoniu, quādo pro parte illa aeris sum ptus est Iuppiter, qui potest in pluuias cogi & irrigare terram, quæ suscepto humore parturit & parit: qua propter ille cecinit:

Coniugis in lætæ gremium descendit.

Cæterū tametsi coire inter se elemēta ipsa, talibus, ut ex posuimus, qualitatibus prædicta, receptū confessum ē sit, & concordi ferè sententia decretum: non tamen quo pacto hæc ipsa ad res constituendas conueniant, incon trouerum habetur, sed res est multarum fœta difficultatum. Alij enim misceri ita uoluerunt elementa, ut unū quiddam ex ijs conflaretur, quod eorum aliquod non esset, sed ex omnibus quæ iam essent ipsa mixtione ab olita, dissultaret. Alij integra manere censuerunt. Nec defuere qui medium inter has sentenriam dicerent, arbitri nec integra manere, nec penitus aboleri: frangi

Expositio
antiquorū
de elemen
tis ænigma
tum.

De opinio
nibus Aui
cena Auer.
& S. Tho.

e tamen

tamē & minui sic, ut abiret integritas formæ, retenta nū hilominus ipsius uirtute & potestate. Tantū ferè de mixtione elementorū, ab ijs qui ante nos scripsérūt disputata, certe uberius ab illis, sub compendio retuli: ut quid nobis in mentē uenerit, cōmodius aperiremus, & cōtra dicere sine crebra opinōnum repetitiōne possemus.

QVOD ELEMENTORVM NVMERVS, ET
ORDO, ET QVALITAS PER CER-
TAS RATIONES NON DE-
CERNATVR CAP. III



Opinio cō
traria,

Rō p op/
nione.

Confirmatio
tio p auto
ritates.

Phauorin⁹

GO quidē ut quæstionē de elemētorum nūmero non exacte discutiam: illud tamen afferam, eum exacte nesciri, nam & qui philosophorum sententiæ nollent acquiescere, ne scio quo pacto adstringi possent: quando existimari cōtingeret aliqua alia esse elementa, quæ occulta quadam uir naturæ concurrerent ad res sublunares cōstituendas, Videri solum ignem, aërem, aquam, terram: quæ cū priua non sint elemēta, ea scilicet quæ oculis cernimus: nihil referre si dicātur alijs etiam inuisilibus elemētis mixta. Qua ratiōe etiā Phauorinus nō admisit septē dūtaxat esse planetas: quādo cōjci nequeat plures esse nō posse, qui tamē nō uideantur propter exuperantiā, uel splendoris, uel altitudinis, paris tamen ad res efficiēdas uirtutis &

tis & potestatis. Fuere itē qui plura statuerent: & Icetes Icetes:
 Pythagoreus duas esse terras est arbitratus: cuius de na
 tura & uiribus quām diuersa philosophi protulerint, sa
 tis(ut existimo) patefit primo ipso cuius memini libro
 De uanitate doctrinæ gentium. Fuere item qui paucio
 ra. Quoniam de sphæra ignis apud plerosq; dubitatū
 est. Et sunt etiam qui nullam uelint sphæram simpli
 cium elementorum: & qui eas uolunt, non conueniunt.
 nam Alexander urere illum ignem uoluit, qui est lunæ Alexāder
 proximus: nec proprie ignē dici debere contendit. qua
 de re est illi cum Auerroe in paraphrasi media libri Me Auerrois.
 teorum primi contentio: cui tamen decretum est nul
 lum reperiri omnino purum elemētum , propter ipsam
 primorum corporum æqualitatem: quæ cum sint ma
 xime contraria, sola mixtione coæquentur inter agen
 dum & patiendum. Itaque de numero elementorum
 si diuinum oraculum æditum non sit: humana ratione
 non est sententia ueridico ore adeo lata , ut ab ea non
 detur prouocatio . Sic & de sedibus elementorum, quo
 rum ordo apud plerosq; præiudicatus est, à nonnul
 lis etiam ductus in controversiam. Certe cum Ari
 stotele, & alijs plerisque philosophis magnus non sen
 sit Ambrosius in libro sexdierum : qui uidetur potius Ambrosi.
 ad deum appellare , cui notum id sit, ignotum autem
 humanæ conjecturæ. Nam si ordinem in tribus imis Alia rō p
 cōspicimus elemētis, pura tamē ut diximus, illa nō sunt, nem. inquisitio

ut propterea consecutio connexumue non admittatur,
 si de sphæris impermixtis id ipsum afferatur. Porro circa ipsa elementa, siue ea sint quatuor, siue plura, siue eo ordine posita quo multitudo c̄est, siue alio, ac circa qualitates: plures ne sint numero, an tantum quatuor: multa me (si autoritatem philosophorum nō admittam) teneat ambiguitas: adeo, ut rogatus sententiam difficilimum videatur quò se animus magis indinet. Primum omnium hac in re satis constat sensu id nobis non patet: re: quæ enim sub sensum cadunt elementa, uti supra sat is est habitum, pura impermixtaq; non sunt, sed prorsus insincera: nec ulla omnino simplex & pura qualitas à corpore non omnino simplici & puro dimanat, quale nullum in machina sublunari. quapropter iure arbitri de eis sensus nequit: ac per hoc nec intellectus, si Aristoteli standum censemus: apud quem pro constanti receptum est, nihil esse in intellectu quod prius in sensu non fuerit. Relinqui itaq; uidetur ea ipsa de re sola phantasias, cui conjectura nitatur, decerni posse: quæ quam sit fallax, nemo nescit, eam enim quaque in re tam uanam esse necesse est, quam uanum fuerit sensus ipsa de re iudicium. siquidem nihil aliud sit phantasia, Aristotele decernente, & consentientibus Peripateticis, quam motus factus à sensu secundum actum.

ELEMENTORVM QVALITATES PRIMAS,
EARVMQVE NATVRAM, EX REBV
QVAE DE ELEMENTIS CONFLAN
TVR ET COALESCVNT, NON POS
SE COMPREHENDI. CAP. IIII



ERVM enim uero ex ipso conflatu elemētorū maior omnino difficultas oboritur. Si enim quodcunq; elementum suapte in natura, hoc est syncerum & impermixtū, seorsum à nobis persentiretur, daretur utiq; aliqua nobis uia de eorum qualitatibus, natura, mixtione, iudicandi. nam si aquæ seorsum, uel aeris seorsum deprehēsæ proprietates, cōditionesue essent: sic & terræ, & ignis. Postea dum aliqua res ex eis mixta sub obtutum caderet, animaduersis conditionibus ipsius rei, non omnino difficulter præstaretur: ut quas ab hoc, quas ab illo conditiones traheret elemento, quoquomodo fieret iudicium. quo autem eas modo cognoscemus, cum ex ipsa re iam mixta necesse habeamus elementa cognoscere: quo fit ut credere magis, aut cōiectari, quām scire opus sit, cui nam elemento quæ propriæ conueniant qualitates. Nam eos qui ita solent argumentari, ut effectū dicant se perpendere in diuersis contrarijsq; rebus eundē, proptereaq; illum ipsum acceptum debere referri dispositioni aliquæ, quæ illis ipsis contrarijs in rebus eadem

Ratio fundamenti.

Remotio
objectionis

e 3 inueniatur,

inueniatur, facile non recipio: quoniam ei dispositioni
quācūq; utriq; rei communī coniectura quidem id acce-
ptum referri potest, non autē certa ratione: nam & for-
mæ, & variæ mixtioni, & diuersæ sympathiæ tribui etiā
potest. unde non difficulter fallacia non ueræ causæ ab

*Alia rō ex/
plicata.*

Aristotele damnata potest oboriri. Soleo autem ego
contra sic argumentari. quotiescūq; aliquis effectus, cui
multæ insint conditiones, à pluribus ijsdemq; diuersis
dependeat causis: quæ nam cōditio cui causæ afferri de-
beat accepta, sciri nequit, ni prius illæ seorsum causæ sin-
gulatim exploratæ adeo sint, ut eorum proprietates de-

*Confirmatio
tio.*

prehensæ fuerint. Alioqui, num quæ unius, alteri adscri-
pseris? & augetur etiam difficultas magis quādo plures
esse possent causæ, quæ ad effectum cōcurrerint, q; quæ
uulgo sint existimatæ. Itaq; cum nisi per ea quæ cōposi-
ta sunt ex eis, possint explorari elemēta, ipsa uero per se

Responsio.

& seorsum neutiç; detur percipere, coniectura uacilla-
bit. Dicetur fortasse hac in re posse nos uia & modo p-
cedere: quando uidemus ignem, & si non syncerū omni-
no atq; impermixtū, aquam & si nō suo puroq; in ele-
mento constitutam, sed alijs participante, retinere ta-
men propriam uim insitam: hanc frigefaciēdi & hume-
ctādi, illū calfaciēdi & exsiccandi. At si ignis ille supre-
mus & simplex non urit, autore Alexandro? non calet?
At si simplicibus, uel saltem minus compositis composi-
tiora plus intentarum possideant qualitatum: ut gla-
cies quæ

*Cōfutatio
multiplex*

cies, quæ est aqua frigidior, & plumbum terra grauius:
 nam & illud admisit Auerrois in media Meteororum
 æditione: & hoc in libro de compositione theriacæ ad-
 uersus Galenum retulit. At si alio in elemento ignoto
 uis earum aliqua maior atque præstantior haberetur?
 At si in permixtione esset mutata conditio? At si dissul-
 taret ex multis ea ipsa uis? puta caloris intenti ex ca-
 lone ignis & aëris, frigoris ex aquæ & terræ frigore, sacci
 tatis ex igne & terra, humiditatis ex aqua & aere. Nam
 siue calor ignis à caloris aëris specie rationeue differat,
 frigusque sit aliud specie in aqua quam in terra: siue
 in utrïque unius eiusdemque naturæ fuerint: effugere
 nihilominus eas quæ undecinque circumstant difficul-
 tates minime poterunt. nam si alia species caloris in i-
 gne, alia in aëre, alia quoque & diuersa natura frigoris
 ea habebitur, quæ in aqua & quæ in terra. & ita de cæ-
 teris fiat qualitatibus iudicium proportione pari. Ac ui-
 detur quidem rationi consentaneum: quoniam diuersæ
 sunt substantiæ: ut diuersas etiam habeant quæ illas co-
 sequantur proprietates. Alius itaq; erit calor quo ignis,
 aliis quo aër participet: duo igit' sub uno calores, quæ
 enim sunt diuersa specie, genere conueniunt. Si dixeris
 genus abstrahi à speciebus cogitatione nostra, & non
 subsistere, nihilque prohibere si tantum sint duæ ge-
 neriis unius species: Illud quæso responde, quo pacto
 illas esse in species deprehenderis, si in aliqua alia specie
 genus

Particula,
ris rñsio.

Cofutatio
multiplex,

genus ipsum non deprehendisti: quo pacto enim hominem & leonem animalis esse species iudicare iure posses, si genus ipsum in bove & capra, aut aliqua alia animalis specie adseruari non plane constaret? Si maxime sunt species, ut numeri Aristotele autore, quibus addita uidelicet differentia species uarietur: oportet igitur adesse id quod per diuersas & uarias disssecari differentias queat, habebit igitur calor tamq; genus igne superior & aere, quod in aliqua etiam specie inuenietur. tumq; aut elementare erit ille calor, & sic plura elementa: aut celeste scilicet & quintae naturae, & tum id quod est quinta naturae siue essentiae, diuersisq; omnino generis, miscetur elementis, quod à Lycio prorsus explodet Aristoteles. quod si eiusdem speciei dixeris esse: ergo unum pendebit ab alio: & sic caliditas aeris pendebit ab igne: si uera est illa ab Aristotele in Metaphysicis posita lex, in uno quoq; genere esse unum maximum, à quo dependeat illius generis cætera: si maximū, ergo prius, quia

P. Aureo/ etiā causa: nisi forte Petri Aureoli opinio reciperetur, legem illam Aristotelis paulominus abrogatis, sed certe si alterum deriuatur ab altero, ergo simul æterna non erunt elementa, ut uoluit Aristoteles: quādo in æternis id quod est efficiens, prius effectu non constituitur apud Peripateticos, ergo neq; etiā simul in creatione fuissent constituta. Si uero singas ambo summa esse, ratio repugnabit & uoci, & imaginationi, quæ sanxit duo eadem
in con-

in conditione penitus summa & maxima esse non posse. neq; enim illi subesset fundamentum sententiae, qua statueretur in aëre summum esse calorem: repugnaret enim & sensus & ratio, quando nullo incommodo excedētis qualitatis ab aëre in sese afficitur sensus, sicut ab igne corpora afficiuntur: nec patitur ratio, ut quod ex mixtione temperatum est, quemadmodum calidū cū humido in aere id eiusmodi haberi queat, ut nequeat propterea remitti ille ex humore calor, quando humor non aduersatur calido: sed sese inuicem hospitantur, sicut calor & siccitas: quæ quidem siccitas cum non auferat igni id quod est cōburere: pariter nec humidum calori aeris, si in ea esset summus calor, ne combureret posslet auferre. Atqui cum temperamētum omne ex frigido sit & calido, autore Aristotele in problematibus & in libris Meteorologicis: nū ali quod simpliciter calidū, & simpliciter frigidum: simplex, non aliquo modo cōpositum, aut aliqua alia qualitate fretū, prius elementis quæ duo bus pollent qualitatibus, cogitādū esset: Et hæc quidē de cōcursu elemēto rū, & primis qualitatibus ad præsens dixerim.

HVMORES QVI EX PRIMIS PENDENT ELE
MENTORVM QVALITATIBVS, AVT
QVOT SINT, AVT CVIVS NA/
TVRAE, EX IPSA MIXTIONE
NON POSSE EXACTE IV/
DICARI, CAP. V



ED enim cum mixta sint elemēta: & ex pri
mis illorū qualitatibus caliditate, frigidita
te, siccitate, humiditate, aliæ generātur quali
tates, quæ in uiuis & seſe mouētibus, locū p
permutantibus animalibus uocātur humores, sanguis
uidelicet, bilis & rubra, & atra, atq; pituita: quorum san
guis dicitur sua proprietate respondere aeri, rubra bilis
igni, nigra terræ, aqua pituitæ. In cæteris etiam rebus
aliquod ponunt his humoribus proportione respon
dens, ut quæ de ipso elementorum conflatu coagmen
tata sint, & corum ex qualitatibus coalita, ut propterea
dicant res alias calidæ frigidæ, alias aut siccæ aut hu
midæ esse naturæ: Mihi uidetur, ipsa in elementorū mi
xtione, atq; concretione, qua humores in corpore gene
rantur humano brutōq; easdem eueniare difficultates.

Prima rō. Primum quod plures nō sint, esseue possint, aut etiam
pauciores, sensu comprehendendi nequit. Possunt enim ea
ipsa in mixtione latere, aut in uenis alijsq; receptaculis.
Confirmatio. ita delitescere, ut natura nos de aliquo celet. Indicū id
potest haberi in dissectionibus, cū aliquod deest, quod
adest in

adest in aliquibus. Fel enim, quod bilis aut fons creditur esse aut receptaculū, aliquibus non inesse animalibus, aut non inueniri scribit Aristoteles: Aliquis ue- Alia ratioro adeo magnū, ut demiratio sit atq; stupori. Præterea cum humano in corpore mixti sint liquores omnes humoresq; ita ut nihil nisi compositū ex omnibus pos sit aut uideri, aut tangi: quo pacto de natura simpliciū humorum, décq; illorum proprietatibus habebitur clara noticia: sensu quidē minime possumus eam cōsequi: quādo nihil syncerū, nihil impermixtū, nihil quod non sit concretum, sub sensum cadit: & mixta cōfusaç; sunt omnia. Vnde & medicis regula est notissima, & prorsus Cōfirma: incōtrouersa: debere eos ex uena mittere sanguinē, qui humores omneis uolūt extrahere: quādo in eo & utra- q; bilis & pituita cōfusa interspersaç; est: nihil tamē in uenæ dissectione, nisi sanguis spectatur. At si non sensu possumus id internoscere: si solis uidelicet sensuum oculis intellectus ipse res materiae obnoxias intuetur: quo modo huius ope fiet discerniculum: affecto enim sensu re quapiam, mens ipsa intellectusue coniectura postea quicquam assequitur: uti ex crassitie, tenuitate, colore rubro, flavo, nigro, albo. Coniicit enim ibi synceriem esse sanguinem, ubi tenuior fluxerit, & rubor insignius apparuerit. ibi pituitæ plus esse, ubi dilutior uisus est sanguis: ubi uero nigrior, ibi plus atræ bi lis: ubi flauus se se impense præsentauerit, multum

f 2 rubræ bi

Alia cōfir rubræ bilis inesse dijudicabit. At neutiç̄ certo id potest
matio comprehendendi: potest enim in aliquo individuo suapte
natura nigror esse sanguis aut dilutior, id enim ex di-
uersa aliorum mixtione potuit contigisse, quæ non quā
titate molis, sed qualitate aliqua & uarietate proportio-

Respōsio. nis sit ita confitata. Dices te effectum deprehendere ex
causa, quod sanguis humidus & calidus, quod bilis ru-
bra & calida sit & sicca, quod atra bilis sicca sit & frigida

Cōfutatio. terræ uidelicet respondens. Quæso te, à quo effectu id
es nactus? proprio nequaquam, quia id non potes ex-
periri, quando purum non potes humorem examina-

Cōfirma. re atq; perpendere. Si enim pharmacū aliquod ex sim-
plicib; quatuor herbis, aut radicibus compositum ha-
beres: nec alicuius illarum herbarum per se naturā &
proprietatem haberes exploratam: scires tamen hoc to-
tum ex illis quatuor compositum pharmacū, elicere &
pituitam, & utranq; bilem, atq; etiam sanguinem. nam
& Galenus elici sanguinem, & inter alios deligi humo-
res posse non negat. Si inquam scires, idq; identidē fie-
ri perspiceres, cui nam tribueres electionē sanguinis?
cui bilis? & sic de ceteris. Certe nulli uni seorsum: quan-
do nullius illarum per se naturam uimq; nouissim; sed
solius cōpositi ex illis quatuor pharmaci. Ad hæc si nū
q; daretur ut singulas eorum proprietates nosceres, nū

Confirmatio explica q; posses, nisi aut casu aut aberranti conjectura, uel de-
tur magis. longinquo illud pronunciare: cum autē constet ut neu-
tiç̄ detur

tiqz detur tibi purum aliquem humorem posse perspi
 cere, nunqz eius naturam & qualitates seorsum & per se
 planè percipies. Adde quod sicuti effectus illius de quo
 diximus pharmaci, posset ascribi non alicui illarū sim-
 plicum quarum meminimus herbarum radicium: ita
 & tu duos si assignares ex illis quatuor qui educunt hu-
 mores, non posses rite redargui: nō secus ac si sanguini
 alias uires, bilis alias, pituitæ alias præscriberes. quod si
 fatus colore ignis, des illi ipsi flauam bilem: quo pacto Remotio
 eadem similitudinis ratione aëri dederis sanguinē? nā tacite obie-
 non conuenit colori sanguinis aer, terræ quomodo bilē
 atram? nam terra, si Aristotelii credimus in libro de co- Aristoteles
 loribus, suapte natura alba est, qzuis nigra ex aliarū re-
 trū admixtione uideatur, Rursum si aëri respondet san-
 guis, plurimōqz sanguine homo pollet præ cæteris hu-
 moribus: cur tamē terrestre animal est, & tam graue ut
 tolli nequeat ad cognatū aerem? Ossium causabis na-
 turam? & terrestrem partē: Num in eo ergo plus poter-
 tit atra bilis, quæ minima est in homine, si sanguini con-
 feratur? At si sanguinem nunqz uidisti simplicem, nec
 bilem quoqz rubram puram scilicet & impermixtā: quo
 modo illum purpureum, hanc flauam censebis? Alium
 de igitur color humoribus aduenit, adscitus est, non natius, ut enim simplex erit color, & à re simplici ma- Confirma-
 nans: quod nequaqz admittent in humano corpore: cui
 nihil simplex, sed permixta ex humoribus omnia: aut
 alium

alium omnino humorem præter illos quatuor assignari imaginariue satis oportebit, aut cogitare ex communis mixtione huic talem, illi talem aduenisse colorem. restabitque tum quærendum, una cum sit conflatio ex omnibus, cur tamen quatuor, nec plures, nec pauciores censuerint esse humani humores temperamentis: quando nulla (ut facile ex ijs quæ dicta sunt colligi potest) concordat ratio, maiori eos, aut minori numero esse non posse. eoque magis quod bilis ipsa genus esse uidetur, in sanguine autem & pituita genera non constituunt. est enim bilis rubra, est bilis atra, bilis utraque: & plures quoque bilis species: uitellina, quam dicunt flauam admodum: & prasina porracea: & azinaria, ita uocant Arabes, cerulea possimus latine nuncupare. sed & Aristoteles in Problematisbus, duo atræ bilis genera constitutere uidetur: calidam & frigidam. quæ quidem res cum quod repugnat ijs, quæ decernunt alij de nigra bili, tamen & temperamenti etiam species multiplicabit: nec ullæ præterea aut sanguini, aut pituitæ species tales assignantur: crassitie uero & tenuitate plurimum & sanguinem à sanguine, & pituitam à pituita secernunt. Nec illud obliuiscendum, quomodo atræ bili, quam terræ suapte respondere proportione magno consenserunt, frigidæ scilicet & sicca naturæ, ac tanquam torpenti & admodum stupidæ: traduntur ab Aristotele effectus maxime calidi & nobiles emotæ mentis: & confertur

Alia confirmatio.

confertur uino in Problematis, quod aëriæ potius & igneæ naturæ, quam terreæ existimari omnium penè testimonio constat. Cæterum aut calor sanguinis differt Alia ratio. specie à calore bilis, aut minime. Si primum des: superius aliquid cogitare oportebit, unde hæc prodeat diuersitas. nam species diuersas sub uno genere congregari, atque uniri, suisque distingui differentijs, inter doctos conuenit. Humoris igitur genus superius comminisceris. nam si dixeris humoris species ex genere quod non sit humor, pendere: tanquam proprias geminasque species ex alieno genere: sine risu & explosione, si in corona literatorum dices, non audieris: igitur plures quatuor humores habebuntur. Si secundum responderis: ad alterum pendere ab altero, minus scilicet calidum à calidiori: tum sanguis pendebit à bile: ut & quæ calidior habetur, & igni sua proportione respondeat: tum ergo sanguis bile posterius erit in homine, & ab ipsa pendebit. quod nec Lycium, nec medico rum scholæ recipient: apud quos sanguis in animali, & præsertim in homine primatum habet: isq; & foins & origo sensibilis uitæ apud omneis existimatur.

Non

NON RITE EOS CENSVISSE, QVI VEL
QVATVOR VEL OCTO EX HVMORI
BVS CORPORVM TEMPERAMEN-
TA DVNTAXAT CONSTITVE

RE. CAPVT VI

Opinio cō-
traria.



INC satis patere potest medicos minus con-
sulte egisse eos, qui quatuor temperamen-
ta dūtaxat attulere, siue etiam octo: simpli-
cia quatuor, quatuorq; cōposita, atq; unū
æquiū. Plures enim omnino(ut arbitror) fuerint, si rem
ipsum perpendere, & rei naturam ducere in controuer-
siam maluerimus, q; sine disquisitione instar irrationalium
animantium alius post alium ire. Medicis aut pro
pterea non puto succensendum: si rationē solum habue-
runt methodi medicæ facultatis, quæ sub quibusdā ca-
pitibus cogit multā diuersitatē, ad parandas curatricis
artis regulas. Itaq; si cōstituerūt & sanguineū tempera-
mētū & pituitosum, & rubræ cholerae & atræ, ut mittere
hos hūores ē corpore præcipuos cū excreuerint queāt,
ut aptare quoq; illis pharmaca possint, quorū sit p̄priū
illa educere: eis inquā nō existimo succensendū, si crassa
(ut dici solitū est) Minerua id sanxerūt ad methodum
parandæ sanitatis facilius consequendā. Sed si ad ex-
Prima ra-
tio funda-
mētalis p
opinione
Etiam noticiam id fecerint, minime recipio: cum nō satis
cōstet qui nā sint, & quot humores, ex quibus illa ipsa
temperamēta cōstituunt. Sed si gratis etiā cōcedatur eis
ut ex

ut exploratum sit atq; compertū qui & quot humores: maxima etiam restat difficultas in decernendo tempe ramento: ut propterea sciri nequeat, quot & quæ tempe ramenta sint constituenda. Nam proportio diuersa mi xtionis, diuersas temperaturas parit: & cum hæ mixtio nes nō quatuor duntaxat habeantur, sed multo plures, multo etiam plures habebuntur temperaturæ humani aut etiam brutorū corporis. ipsa enim mixtionis, diuer sa ratio diuersaue proportio uicē habet propriæ & spe ciæ afferentis differentiæ. nam proportiones numerorū instar habētur. quare ubi diuersa fuerit proportio diuer sa prodibit species temperamenti. Alioquin si eadē spe cie essent, & ob excedētē dūtaxat qualitatē sortirent̄ spe cies suas corporū uiuentiū temperationes, sequerentur multa quæ explodi oporteret: unde & illud ex quo se quuntur, pari deberet censura damnari. Nāq; in homi num specie diuersæ species proportionū & conflatus, es sent eiusdē speciei. Fac em̄ duos in caliditate exedere: re liqua mixtio sit penitus alia: puta tres ille pituitæ gra dus, q̄tuor sanguinis, unū atræ bilis habeat: hic quinq; sanguinis, duos atræ bilis, unū pituitæ: tū enim mixtio nis erit diuersa species: nihilominus unā species habebi tur temperamēti, scilicet cholericu uel biliosi. Si exempli gratia plurimos unusquisq; gradus bilis rubræ in tépe ramento possederit, an eodem etiam pacto hominis maximopere cholericu eiusdē esset, quo ad temperamē tum corporis

*Alia ratio
ducens ad
incōueniē
tia.*

*Confirma
tio p exem
plum.*

tū corporis attinet, eiusdē inq̄ cū leone specie? manat certe diuersitas specificae qualitatis à diuersitate mixtio-
nis. Adeo q̄ uariat, ut tua etiā rubra bilis à mea specie differre nō iniuria dici possit: nō quatenus calida aut q̄ tenus bilis, sed q̄temus tua aut mea, id est, quatenus in tuo meōue corpore eā sortit̄ cū alijs hūoribus mixtio-
nē caloris, quā nō est in alio atq̄ alio sortita. neq; enim ipsa bilis est simplex: sed & ipsa quoq; ex uaria mixtiōe primarū cōflata qualitatū: adeo, ut non solū magis mi-
nuſue calida, sed ex diuersa mixtione coalita. Eadē quoq; bilis (ut diximus) in plures diuidit̄ scindit̄ q̄ species:
Alia ratio. psas & īdagat & cōstituit Aristoteles. Diuerfa quoq; il-
lis medici adhibet̄ remedia. Cæterū si differret tēperamē-
ta cōplexione ſue (ita iuniores dicit̄) calidæ à calidis sola intentione, adeo uti (quod uolūt) excedens & alijs præ-
minens qualitas cōſtituat ſpecie: tēperatio hominis cali-
da à calido equi tēperamēto, niſi intentiōe & remiſſiōe differret. Si neges, tibi aduersariſ. Si cōfirmes, id ſequit̄ ab-
Responsio furdi, quod operationes differūt, & nō differt ſpecies à
qua illæ prodeūt. Alij enim effectus à caliditate huma-
ni tēperamēti, alij ab equinæ temperaturæ caliditate di-
manant. Si dicatur, ea tēperamēta ſpecie differre ppter
latitudinē, puta extra latitudinē equini tēperamēti aut
hūani cū quicq; ſtatuaſ: tū ſpecie emegere uariā, & hoc
pter formam (ut aiunt) ſubſtātialē hominis, id est ani-
mam &

inam & formam substanciali equi, quae sunt specie di-
 versæ; propterea q̄ temperamenta etiam sibi adsciscunt
 specie diuersa. Contra stabit ratio: quia int̄atio & remis ^{Cofutatio}
 siio nunquam uariant speciem: Vbi ergo sub eadem lati-
 tudine, puta caloris, uel intenti uel remissi, quiddam spe-
 cie inuenitur diuersum: ipsa speciei diuersitas alicui aliò
 referenda est accepta. Nec id diuersæ formæ quam di-
 cunt essentialiēm, dādum est: quia restaret difficultas in
 hominīs cadauere & equi cadauere: ex altero tamen cre-
 bro, ex altero minime generatur: & alia ex hoc, alia ex il-
 lo euenta dicuntur: nec tamen forma substancialis ulti-
 ma, id est anima ulli eorū inest. Præterea differunt spe-
 cie temperamenta membrorum unius & eiusdem cor-
 poris, multo magis alieni. consecutio nota. & quod an-
 tecedit, probatur ex operationibus: quæ, ut inquit Auer-
 rois, formam faciunt cognoscere: nam alia cordis opera-
 tio, alia epatis, alia splenis, alia capitis, alia digitī, &
 hoc nisi ex uaria mixtura: ut mittam cuiusdam ma-
 gni uiri opinionem, cuique membro diuersam for- ^{Io. Sco.}
 mam facile concedentis. Et cōfirmari hæc omnia pos-
 sunt autoritate Aristotelis ita in Problematisbus decer- ^{Confirmatio p aut-}
 tentis: ubi enim de temperamento in quo bilis effet ritatē.
 atra, differeret ira: Ut enim specie inter se distat nō quia
 faciem habent: sed quia faciem talem, id est, alijs pul-
 chram, alijs turpem: & qui nihil superuacui gerunt, ij
 stata sunt forma: sic etiam qui leniter habitu illo con-

stant,

Alia rō cīrstant, iij medium tenent: qui plene, n̄ iam dissimiles mulca res inātitudini evadunt. Cæterum in rebus etiam inanimis diuersam tēperaturā mixtionē indeprehensam esse, ijsidem quibus usi sumus ratiōibus posset cōfirmari. idc̄p percipi facile potest ex colore. nā multa rubri, multa albi temperamēta, multa uiridis. nāq; multae sunt differētiāe uarentium in genere uiridium: sub genere item colo rū, sub genere qualitatū: aliud enim uiride, subalbidū: aliud quod anatū colla præferūt: alia sambuci, alia citri, alia oliuae, alia salicis uiriditas. Diuersa uidelicet ex mixtione temperamēti: sicut & panis ex diuersis cōfecti granis: quæ diuersarū essent specierū. proportio itaq; mixtionis elemētorum hæc omnia operatur. Quare cū

Epilogus.

quatuor tantū elemēta habeantur, ex quibus quatuor temperamenta cōflentur: siue sola cōposita, siue etiam simplicia: & addatur etiam quæ sit æqua ex omnibus: non poterunt diuersissimi & mille differentijs effectus inter se diuersi, ex tam paucis mixtionibus prodire: qui quidem effectus cum nesciri queant, nec eorū sanè causæ, & multo certe minus ipsa temperamenta. Quoniā quæ illa parit elementorū mixtio nō cognoscitur: ignoratur enim ipsa proportio. Et hæc tanç in trāscursu de elementis, & de eorum mixtione sint disputata. Roma Pridie Kal. Ianuarij. M. D. XIII.

IO. FRANCISCI PICI MIRANDVLAE, DE
[ELEMENTIS LIBRI, FINIS.]



IOANNIS FRAN

CISCI PICI MIRANDVLAE DOMINI,
CONCORDIAEQVE COMITIS, AD
PETRVM BEMBV M DE IMI-
TATIONE LIBELLVS.

IO. FRANCISCVS PICVS
PETRO BEMBO. S.



TRVM TIBI CVM AN-
tiquos imitanti scriptores, tū
de imitatione mecum disserē
ti, assentiri an aduersari debe-
rem, nondum satis Bembe iu-
dicaui. Quando ipsos etiam
ueteres qui proponuntur imi-
tādi, hac de re cū uarios tum
animi dubios fuisse planè cō-
periebā. Ipsa quoq; ratio se se ita præbebat. æquā utriq;
parti, ut quò uergeret non satis appareret. Quamobrem
si quæreret autoritas, si ratio defyderaretur, quibus qua-
g; , si germanis



si germanis ad ueritatem indagandam uis utimur, lis
adhuc sub iudice manere uidebatur. Verum enim uero
dum cogitarē acrius, ipsamq; imitationē animo uolue-
rem, in eam sum adductus sententiā, uti nonnihil qui-
dem imitandum asseuerem usq; quaq; uero nō putem:
imitandū inquā bonos omnes, non unum aliquē, nec
omnibus etiā in rebus: quod tute ipse arbitrabare. Qua
quidē in re ut ita sentiā, multa me mouēt. eōq; animus
inclinat uti aduersus te standū facile existimē: id ipsum
tibi declarare tentabo conaborc; quibus potero ratio-
nibus: ut si nō ego in te (quis enim in amicū, & talē qua-
lis est Bembus id faceret?) sententiā feram, ipse tamen
fortassis litem secūdū te dandā minime censeas. Ac pri-
mum omniū satis constat imitatores à Platone uel ina-
ni, uel nullo uerius titulo notatos: ut qui proprio digni
nomine non habeantur, nisi quod eis illa ipsa imitatio
fecerit: in honesta uero Flacci nomendatura damnatos
& appellatos seruū pecus. Hinc uideas omneis quicūq;
aliqua in re autores celeberrimi extiterūt, aliunde q; ex
imitatione gloriā, quæ de rebus præclare gestis exurgit,
eamq; comitatur ut umbra corpus, sibi ipsis quæsiuisse.
Ac potius uel intenta cōtentione aduersatos prioribus
uel adnixos longo eos interuallo præterire, non sequi.
Qui enim asseda cupit semper esse, primum sibi nunq;
uendicabit locum. Ad quē uidetur uel naturæ propen-
sio, uel nescio qua certe ambitio totis uiribus anhelare.

Atimi

At imitatus dicitur Homerus Orpheum adeo, ut carmen quod hic poëmati de Cerere composito præstuit, in Iliade duobus tantum nominibus exceptis oculatissimus cæcus ille transtulerit. nullus tamen inde honor est Homero partus: sed quoniā sonora magis grandiorique tuba res Troianas cecinit; multa illum & unde quaque est gloria consequuta. Obsuit magis quām profuit imitatio Vergilio, quoniam præclarissimo uati, & quod ad iudicium Poëticum pertinet, omnium omnino præstantissimo. nihil ferè magis uitio uerti solet, quām imitatio nimia ueterum poetarum. à quo tamen uitio longe illum absuisse censeo: neque enim omnibus aliorum imitatus est partes: suos ipse habet numeros, propria tenet lineamēta, dispositionēm̄q; in primis peculiarem & maxime propriam (ut alia taceam) quæ non sunt ei communia cum cæteris: æmulator ueterum uerius cū imitator. & quanq; mutuo si non furto quædā hinc inde quasi signa ueterū atq; toremata carpsit ad ornanda suorū poematum ædificia: proprijs tamen illa sunt ornamētis magis conspicua, atq; omnino magis illustria. Cicero quoq; neuticq; Demosthenem, quod multis credit, enixius est imitatus: plerisq; sanè in rebus æmulatus suū retinuit filum & instituta dicendi. T. Liuius Salustio clarissimo historiarū scriptori palma uel æquā habuit, uel præripuit, diuersam tñ cūcurrit uitā ipsi? cōsequēdē gratia. Debita quoq; laude nec Cornelius,

nelius,nec Curtius caruere , & primis illis & alter alteri dissimiles . Quod si Græcam tractes historiam , quæ maior quam inter Herodotum & Athenensem illum cum ducem,tum scriptorem rerum à se gestarū, differentia stili: utriusq; tamen laudes amplissimæ . Ad philosophos si deueniamus Græcos : Aristotelis eloquētia magnopere celebrata est cum Græcis,tum Latinis qui Græce sciunt: Platonis uero nunquam satis laudata .cum tamē illius stilus huius sit graphio dissimilimus ,nec etiam Atticæ similis Musæ ,quāquam celebraitissimæ: & Platonis planè dissimili cum scribendi ordine tum uerbis,quibus hic ipse Xenophon νονοίε, Plato aut καλοίς (ut Græci dicūt autores) uitebat . Nō defuit autem Aristoteli facultas imitandi , eum præsertim , cuius auditorij limen uiginti annos frequentissime contriverrat . Non defuit eruditio ,non iudiciū: maluit tamen suo in calle præcedere ,quam in lata aliorum uia uel secundus esse uel tertius . Inter Latinos uero Ciceronē & Varonem quæ nam quæsto loquēdi differentia: neq; enim hunc ille quanquam undecunq; doctissimum ,aut stilo imitatus est ,aut ordine rerum scribendarum , & modo: Antiqui enim illi præclarissimi uiri nunquam aliquorū imitationi studebant ita ,ut in eorum uerba ,membra , circuitus iurarent ,quasi semper infantes , quasi alitibus postponendi ,quibus à parentibus extra nidum eductis satis est si ter uel quater uolanteis illos aspexerint . Carpebant

pebant ex unoquoque, quantum satis esse uidebatur ad phrasim uel constituendam, uel ornandam: quæ tamen essent uel propriæ cognata naturæ, uel accōmoda materiæ quæ tractaretur. sic & Celsus & Columella clari, nitidi, pressi & elegantes: in altero tamen egregia mundicics, in altero flosculi fortasse crebriores. imitatio nem in illis nihilominus uel nullā, uel certe paruam es deprehēsus: geniū propēsionēcꝫ naturæ eorū quisq; sequebatur. Et si enim homo omnium maxime uim obtinet imitandi, ut hinc & multa & uaria discere possit, quod scribit Aristoteles in Problematisbus: eāq; de cau sa Poëticam homini naturalem esse, primo quem ea de facultate libro scripsit, est aperte testatus: proprium tamen & congenitum instinctum & propensionem ani mi nactus est ab ipso ortu, quam frangere & aliorum uertere est ipsam planè uiolare naturam. Itaq; cum nostro in animo Idea quædam & tācꝫ radix insit aliqua, cuius ui ad quodpiam muneris obeūdum animamur, & tanq; ducimur manu, atq; ab alijs quibusdam abducimur: colere illā potius quam incidere, amplecti, quam abalienare operæprecium est. nihil enim nostræ consu lens felicitati, aut à uirtute alienum, aut noxiū nobis impertiij ipsa natura. Ideam igitur ut aliarum uirtutū, ita & recte loquendi subministrat, eiusq; pulchritudinis affingit animo simulachrum: ad quod respicientes identidem & aliena iudicemus & nostra. Neq; enim cā quisquam adhuc perfecte attigit, ut hac in re illud etiā h possit

„ possit dicier, Nihil omni ex parte beatum. quandoqui-
„ dem non uni tantum, sed omnibus & uniuersis distri-
„ buit prædara sua munera: ut ex ipsa uarietate totius
„ uniuersi pulchritudo cōstituatur. An putas frustra pru-
„ dentem illum pictorem censuisse omnia se uno in fœ-
„ mineo corpore reperire non posse ad uenustatem? &
„ incassum putas prudentissimum oratorem eius indu-
„ striam secutum, longe etiam illū præterisse iudicio? qui
„ ut imaginem illam pulcherrimi eloquentiæ corporis ef-
„ fingeret, omneis delegit uiros facūdia præstantes: cum
„ ille quinq̄ solū Crotoniatas selegisset uirgines pulchri-
„ tudine celebratas: nec satis illis fidens, formā ipsam seu
„ speciem absolutam eloquentiæ, nulli prorsus addictam
„ sola imitatione dignam existimarit. imitari itaq; eam
„ debemus, quam animo scilicet gerimus dicēdi perfectā
„ facultatem: qua & aliorum & nostra cum errata in obe-
„ undo loquendi munere, tum uirtutes etiam metiamur:
„ siue ea ipsa penitus innata sit idea, atq; ab ipsa origine
„ perfecta, siue tempore procedente multorum autorum
„ lectione cōsumata. Ea fiebat ut M. Ciceronis aures sem-
„ per Demosthenes nō impleret. Ea ipsa Patauinitatem
„ in Liuio causabatur Asinius. Ipsa eadē & Brutus elum-
„ bem Ciceronem, quanq; amicum præcipuum iudicabat:
„ Alij Asianum, tumidum, redundantem, nimium uiro
„ molliorem. qua etiam factū opinor, ut nec aliquē unū
„ scrupulosius imitandum uel Celsus, uel Fabius præcepe-
„ rint. neq; etiam ipsi fuerant Ciceronem, quem maxime
„ laudāt

laudat, imitati. Quid enim causæ fuit, ut tot illos uarijs non solum in rebus, sed una eademq; in facultate diuersos dicēdi artifices posuerint in medium? nisi ut uel ab hoc uel ab illo quod placeret magis, decerperemus: siue impulsu acti naturæ, siue iudicio. Nam qui non ita censem, illud oro dissoluant: cur ij qui Ciceronem tam laudant, quam qui maxime, illū ipsum tamen nō sunt imitati stilo scilicet & figura dicendi? An id scilicet non potuerunt Celsus, Cæcilius, Plinius, Fabius, alijs Ciceronis saeculo proximi: cum restaret adhuc tanquam reliquias & inuiolatae illæ quidem puri Romaniç sermonis, ipsamq; Latinitatem sugerent cum lacte nutricum? An ignorarūt imitandum esse magno scilicet & excellēti in genio uiri, qui & alijs de imitatione præcipiebant? Dicēdum potius uidetur eos noluisse: ne si uoluisse quod nō potuerat afferamus: uel tacito nos eorum opponamus gloriæ, qui quod illi non potuere uiri clarissimi, nos ipsi uel obtainuerimus, uel speremus. Dictur⁹ est fortasse q̄ spiam, eos qui magis nobis placent, esse magis imitandos: quod ego quidem non condemnarim: placeat præ alijs Plato, placeat Cicero, non opinione solum, sed stilo Platonicus: eos sequamur. Nam quanquam sua est cuiq; propria facies animi, sicut & corporis: ut duos omnino similes non facile sit inuenire: minor tamē in animo nostro cū aliquibus præ alijs est dissimilitudo. atq; per hoc facilius erit nobis, uti similes euadamus. memi
h 2 nerimus

nerimus tamen nos simias non esse oportere, quæ dete-
riora sibi deligunt ad imitandum. Sunt enim qui ne-
uos, qui cicatrices, qui maciem, qui excrementa etiam ef-
singere uelint, uel nulla uel minima ratione habita & la-
certorum, & uitidi roboris, & gratiæ. Ab ijs nō dissimi-
les, quibus magna est cura, ut rara quæpiam uocabula,
quæ forte aut Ciceroni exciderunt multa scribenti, aut
uitio temporum fuere in eius libros introducta, adeo
ut si ab inferis excitaretur, à se prompta negaret, gestien-
tes surripiant: uel etiam quæ mancipes librarij integrita-
tem lectionis dum passim corrupti edidere, ipsi ob-
seruent magna cum diligentia. Superfluum præterea
uanumq; existimari debet, si ad omnem Rheticam
portionē imitatio adhibeat. Inuentio enim tū lauda-
tur magis, cū genuina est magis, & libera: explodiç; so-
let quæ erupticia iudicat, nedū accersita. Vnde nā quæ-
so illud, Furem non poëtam fabulam dedisse? An etiā
aliunde prodijt, ut illi omnes damnarentur, qui dū Mu-
sarum & Apollinis haberentur ludi, aliorum imitatio-
ne sibi quæsiuissent unde probaretur: & soli relata sit à
Criticis palma, qui ex sese & ex ppria penu erudití pm
pserat opsonium animi: tametsi eo non ita conuiuarū
gustus oblectaretur? Dispositio uero sequitur inuentio
nem: ita, ut hic qualis fuerit, talem quo rite disponatur
ordinem expertat: ne id quod effingis, quasi intellectile
corpus orationis, aut uasta nimis, aut pusillanimis, aut
omnino

omnino præpostera, membra deformant. Tua autem
hic ut sit, necessarium dubio procul omni futurum arbitri-
triamur: eóq; maiori tibi fuerit adnitendum diligentia,
à te ipso uidelicet non ab alijs petenda: quo maioribus
ingenij viribus in ea perficienda opus est: si Plinio ma-
xime crediderimus, affirmanti & barbaros etiam inue-
nire magnifice & enunciare: recte uero disponere & fi-
gurare, non nisi eruditis concessum esse. Elocutio uero
num & ipsa sequitur inuentionē: quando diuersam ad
materiam diuersa phrasis adhibenda est. Num & ipsa
quoq; dispositionem comitatur: huic enim alia, illi alia
tribuenda est: ita ut à te ipso omnis tandem pendeat ora-
tio. Nam de memoria & pronunciatione tacendum pu-
to, quando earum neutra chartis mandetur: & alteram
nulla ex imitatione tibi compares; sed ex matris (ut in-
quit Lucilius) bulga tecum feras: ut autem hic exercita-
tione perfici solet: ita exempla maiorum alijs partibus
quaꝝ referri literarum monumentis queunt, open ferre
non mediocrem iure affirmauerim. Poteris enim inuen-
tionem quapiam de te ab alijs traditā, uel æmulari, uel
superare: poteris disponere melius, eloqui etiam orna-
tius. Neq; enim quasi uetula mulier, suis est viribus pa-
rens effeta natura, ut nostro scilicet hoc sæculo quasi ni-
mio partu lassata defecerit. Nec deus optimus maxi-
mus nostræ ætati non est largitus ingenia: utinam tam
bene excoletur, quam bona sunt ædita: & non inani-
bus nugis.

bus nugis ac fabulis, quasi glande & siliquis edendis de-
dita, sua alimonia fraudaretur. Ita enim macerata sunt
nonnulla, & quasi tabe consumpta: alioqui suapte natu-
ra formosa, ut simulacri & euanidæ umbræ magis q̄ ui-
ui animi effigiem præferant. Crescunt (ut mea fert opi-
nio) uerius q̄ decrescat ingenia. Multa enim quæ ad re-
rum spectant notitiam, & nostrū sæculum, & huic pro-
xima nouere, quæ docta illa ignorauit antiquitas. Lin-
gua certe ueteribus illis cum Græca tum latina quasi na-
tiua adfuit: quā ab eorū libris petere nos oportet: qbus
maior ea de re fit legitimæ laudis accessio. Illi em̄ uel no-
lentes & in Hellade Græce, & in Italia Latine loquēba-
tur: nobis Italis qui Latine loquamur, nedū Græce, id
nostra est partum & elaboratum industria. inde fiet, æ-
quum rerum æstimatorem si sortiatur nostra ætas, pos-
se eos qui nūc mediocriter loquuntur, præcipuis illis &
antesignanis iure præferri: qui scilicet inter Gothos, Vā-
dalos, Hunnosq; uersati priscam illam, & tot sæculis ab-
olitam dicendi rationem aut teneant, aut tenere conen-
tur imitatione continua: qua etiam in re mira subtilitas
& forte nimia. Nam nec cursu solum ueteribus similes,
nec gressu uel esse uel uideri uolunt quidam: sed ita ince-
dere, ut eorum in uestigijs ponant uestigia. At si ueterū
maiora uestigia fuerint, ut etiam corpora: num in illis
minor pes firmabitur, an labascet, si solū maxime subu-
dum fuerit; si uero illa nostris minora extiterint, num
exclu-

excludetur curiosi pedes, & frustrabuntur uoto; æquū enim uestigium quod omni ex parte quadret, quis inuenierit, ni calceorum fortassis officina quæpiam è Romanis eruta ruinis formulas nobis quasdam subministrauerit. At quot ueterum pedes, tot calcei. Nec ambigas Bembe etiam si antiqua sandalia in absconditis thesauris inuenieris, & aptaueris tibi, te unquam propterea posse à Criticis impetrare, ut antiqua credantur. efficiet hoc inuidia: semper similitas erit in causa, quo/ ad illam ipsam dies longa præscripserit. Neque enim alia habebuntur quam noua: hoc est, non absoluta, nec omnibus perfecta numeris: quod quidem in signis eue nire persæpe sumus contemplati: quæ & si quando præ stantiora fiunt quibusdam, quæ uetus tis illis sæculis ex culpta fuere, nihilominus cum ut noua circumferuntur, imperfectioribus posthabentur. tantum uana illa mil le annorum imago quasi pestis inuasit hominum iudicia. nam si uetera creduntur esse, si etiam spectator est animi dubius, antiqua ne sint an minime, mira laus: nulla insurgit censura rigidior. at si compertum fuerit re center ædita, prodaturç etiam nomen opificis: tū mil le Aristarchi, tum & sibila quādoç erit audire. tum nō tertius modo cadet de caelo Cato, sed & Timon atque etiam Momus exurget ab inferis. Nouimus hominem scripsisse epistolas sub Ciceronis nomine: quæ non laudi solū, ueruetiā admirationi maximæ fuerint: eūdēç ipsum epi

ipsum epistolis Ciceronis suū adscripsisse nomen, dem
ptis tantummodo ijs uocabulis quæ prodere fallaciā pos
sent. Es ne Bembe crediturus, quod illæ ipsæ Ciceronis
epistolæ & rubras cæras, & uirgulas, & asteriscos, & obe
los, & sexcératas censorias notas ppeti quiuerint nouæ in
scriptiōis causa: quæ tamē antea sub ueteri titulo fuerat
nūq; satis laudatae & celebratae. Incassum igī fateretur
ille prioribus in epistolis dum uerba rimabatur, dū cæ
sa metiebatur & membra, dum circuitus deligebat, dū
numerous mandabat memoriae, dum obseruabat linea
mēta: ut quæ scribebat, Ciceronis esse uiderentur. pote
rat enim paruo impendio & labore id præstare titulus,
& auferre. Sed illud quoq; ad nimiam auiditatem imi
tationis compescendam facere potest: quod mediocris
etiam autoris scribendi genus, nedū Ciceronis, nō imi
tabile uidetur omni ex parte: si quæ de complexu illarū
muneris loquendi partium supra diximus, ad memo
riam reuocentur. Vbi enim inuentio, quæ quasi mate
ria orationis est, eadē nō habet: nec forma, nec quæ illā
nexu inseperabili sequitur dispositio eadē prorsus habe
bitur. si autem similis, quoquo modo: si dissimilis, nullo
pacto conueniet. Quorum autem quenq; reperias, etiā
si aduersas Aesopi gracculum pennis ornatum alienis:
qui quæ aliorum sunt propria, eadem prorsus & impu
denter cogitet expromere, & impudentius disponat, &
effutiat impudentissime: sed fac eadē esse omnia: mox
dim oue

dimoue lineamenta, uerte membrum, uaria numerum,
tolle circuitum, omnem orationis integritatē sustulisti:
adeo constant illa coagmenta nexionis omnibus, quæ sibi
propria peculiariaq; adsciscit: ut ex illis ipsis eisdemq; so-
lis, non alienis, non mixtis, nō permutatis, cōfletur atq;
dissulet. Huc accedit scripti genus uariū, quod uariā
quoq; sibi uēdicat phrasin: Ciceronis enim Orationes,
libri De oratore ad Quintū fratrem, De claris oratori-
bus, & alijs pleriq; magno eloquētiæ inundantur flumi-
ne, si nō potius Oceano: sed ille ipse tam uastus fluuius
uix irrigat Rhetoricos libros: & eos qui de uniuersitate,
& de fato inscribuntur: idemq; ipse uix stillat in Topi-
cis. Mutatur quoq; ætate mutata: & ab eodem Cicero-
ne dicta est canescere oratio: quæ alia itidem est dū mo-
net, alia dum respōdet: diuersa quoque dum depreca-
tur, dum interpretatur, dum inuehitur. Varia item
pro uarijs animi affectibus, & saepe corporis, nedum
rebus: quæ ipso sunt explicanda sermone. Hunc igi-
tur unum dices imitandum, quem natura produxe-
rit, ut in eo suas uires omnis experiretur eloquētia: eōq;
fieri ut miscere, cum ipse sit etiam uarius, ipsum Cicero-
nis filum queas: & quaq; de re quæ tibi dicenda tractā-
dāq; fuerit, possis ipsius more, & (ut sic dixerim) Cicero-
niane loqui. At forte ueritas esset in connexo, ni duo il-
lud aperte distraherent. Primum, quod propterea quis-
piam non esset Ciceroni similis. Huius enim uerba etiā

i si loca

si loca mutent, erunt tamē uerba Ciceronis, nō aut̄ Cicerois ea cōstructio, quā ipse nō struxerit: Sed tanq̄ ex lapidibus illius alius murum cōfecerit. Cui si quidpiam alienæ calcis & intriti misceatur: ne uero misceat fieri ne quaq̄ poterit: sed & si lapidē lapidi iuxterit hærentius aut minus nimiōue plus in dolio mersauerit, ne quaq̄ Tullianus paries ille futurus est. Alterū est quod tacito uideris existimare, ut cæteri autores legitimi nō sint naturæ partus: sed tanq̄ abortiu: ac ut cū eis prædare agatur, ueluti octimestres infantes habédi. Si ita reris, si ita censes, dabit̄ prouocatio ad eloquentiæ magistros anti quos illos quidē & probatissimos: ipsum etiam appella bo Ciceronē: proposuerūt enim non unū quēpiam, sed multos imitandos: nec id satis ad ipsam ideam filū esse dirigidū præceperūt. Nū igitur mihi quæso licebit, nū & expediet uim Demosthenis, q̄q̄ eam expressisse Cicerō dicitur, in ipso potius Demosthene, ubi inesse illā nō ambigitur, & demirari & imitari: Sic & copiam Platonis, & iucunditatē Isocratis, à fonte puro, non à decurrentibus riuis, ubi ipsa miscetur eloquentiæ lympha, cōbere. Adde quod alio hic, alio ille charactere delectabitur, & alia afficiet figura dicēdi: ut nec frustra nec inconsulto uarios eiusdē rei dicendæ modos, quæ chriæ dicit̄ solent ueteres illi qui eloquentiæ tradidere præcepta, ex cogitauerint. Nec nequicq̄ habuerunt diuersa genera dicendi, probari diuersitate uidelicet iudiciorū, à diuersa humani

la humani temperamenti proprietate manantium. Hinc amplum & Augustum dicendi genus: hinc exile & tenuis: hinc ex utroq; permixtū: in quibus qui excelluerint diuersi, diuersam quoq; sibi gloriam parauerunt. Hinc & siccum & nudum: hinc succulentum, & uario eruditio nis colore uestitum. & haec omnia introducta sunt duce natura. Erit enim ille suopte ingenio Laconicæ breuitatis amator: alius Asiaticæ fertilitatis auidus: hic Atticæ illius & aureæ mediocritatis æstuabit desyderio: Rhodio ille temperamento delectabitur. tot sunt uariæ animi uoluptates: ut etiam de numeris terminandæ clausulae & pedibus multa sit inter antiquos, atq; inter Aristotele & Ciceronē orta dissensio. Induebant animū illi uarijs habitibus, ceu ipsis quoq; uestimentis induimus corpora. Atq; ut in his nō secus in illis uaria materies, uariæ figuræ, uarijç colores & placebat olīm, & nūc etiam placet. sunt em̄ nostra tépestate plurimi qui pāno uesti ant libéter, qui sit cōtextus ex lato illo Ciceronis stamine, & p̄sso Pliniū subtegmine. Admittut etiā tramā Celsi, & Columellæ. alijs qā frigus fortasse metuūt, conat̄ ut euoluāt scrinia Carmetæ, unde peplū surripiat aptandū sibi. Nec eo cōtēti, uetus tos illos & cariosos Romanorū augurū & Martiorū fratrū cophinos adeūt. atq; cū re sciuerint Catonē & Enniū ditasse patriā, in eorū etiā su pellecstile prædabūdi & populabūdi penitus irruūt. nec desunt qui Asinum cū existimēt bellum animal & au-

reum, de illius pilis sibi lacernam conficiant. Qui uero ab alienati sensus haec signa ducerent, artis medicæ regulis freti, audiant Hippocratem ætati, tempori, consuetudini quidpiam dandū esse præcipientē. Sed ut in summa dicam: ut uarij sunt autores, & in suo quiq; genere probati: uaria quoq; hūani animi propensio, atq; adeo diuersæ in eadem etiam facultate idæ speciesue dicèdi, Lata, Pressa, Mediocris, Austera, Dulcis, diuersaç; qsi fila diuersæ texendæ apta orationi: quibus de rebus apud probatos autores cum alios, tum maxime Dionysium & Hermogenem præcepta dantur, ad unam haec omnia, quam in mente gerimus ideam referenda sunt: & habenda est in consilio ratio, mixtioq; paranda talis: ut una ex omnibus quæ nulla sit illarū: sed pfectissima tamen illa quidē quoad fieri possit, & cōfletur & coalescat oratio, tantum abest ut quispiā unus usq; quaç; sit imitandus: quasi ille Deo præstaret opt. max. qui nobis usq; quaç; iinitandus non proponit: nec enim potentiam eius possumus: nec sapientiam aut debemus, aut possumus omnino imitari: sed quam ille uoluit ex sole illo intellectili nostris mentibus illucescere, eam ipsam excolere operæ premium est: ad ipsius dei manifestam gloriam: ad accendendum nostris in pectoribus amore diuinæ bonitatis: quæ quidē nobis, quoad uires nostræ queunt efficere, proponitur imitanda amore intentissimo, & officijs, qui de illo prodeunt: quibus & boni.

& boni ipsi efficimur: & umbratilis huius uitæ peracto cursu, omnino felices. Hæc habui ad præsens Bembe de imitatione quæ dicerem, sex(ni coniectura fallor) aut se ptem horarum spatio, eaq; interrupto, ac sine libris, stilo & memoria usi, quicquid sese obtulit, arripiuimus atq; compeginus. Scis enim me more tabellarj mutatis etiam ad celeritatem iumentis hucusq; cucurisse: sed neq; inficias iuero, me deprecari culpam, si qua occurrerint errata. Quare si hiulca magis & diuulsa, q; sonora & pressa compoſitio: si fracta & stridula, q; æquabilis, aut numerosa uidebitur: ueniā praestes oro: sicut & poetæ uenæ in ædendis inter expellēdam Venerem atq; Cupidinē carminibus arescenti nuper, ut arbitror, præstisti. Qui em̄ fieri potest, ut præter hæc etiā ab æquo non absoluas iudice, qui inter Theologos atq; philosophos nostrates istos recentiores mente quidem plusq; subtiles, sed rubiginosa & plusq; barbara lingua diutissime uersatus, ad mansuetiora studia, ad Rhetorica delineamenta, numero sc̄q; poëticos interdum quodā quasi postliminio reuertor. Quibus in numeris & exulta illa phrasī, à priscis illis ducta temporibus: si nostro hoc saeculo inter eos qui nunc uiuūt, & nobis noti sunt, ipse tibi palmā nō uendicasti (quod ego nequaq; obstinate negauerim) propior tamen aut es, aut iam breui es. futurus primo q; tertio. Vale. Romæ. tertiodécimo Cal. Octobr. M. D. XII.

i ; Ioanni

IOANNI FRAN-
CISCO PICO MIRANDVLAE
PETRVS BEMBV S. S. P. D.



ECTE atq; amanter factū abs te est,
quod eius sermonis tuas partes, quem
unā de imitandi ratione nuper habue-
ramus, etiā tuis ad me perhumaniter
scriptis literis perfserri uoluisti. Quanq;
enim propter eximiam tuam in omni genere doctrina
rum præstantiam, & meum summum erga te amorem,
singula tua dicta inhærescere penitus in sensibus cōsue-
uerint atq; memoria mea: tamen ea ipsa prodita literis
& stabilius atq; diutius permanent, & facilius repetun-
tur. Tum accidere etiā illud solet, ut ea quæ chartis man-
dantur, pleniora uberiora q; sint, q; quæ homines inter
se colloquuntur. Addit enim semper aliquid stilus & scri-
bendi mora, crescitq; cogitatione ipsa oratio. Itaq; ser-
mo ille tuus, qui me mirifice delectabat, cū te loquentē
audiebam: idem perlectus in tuis literis mihi sanè mul-
to iocundissimus fuit. Quibus omnino literis quoniam
me amantissime prouocas, respondebo non tam quidē
aduersandi tibi studio, quām tuendi mei: neq; tam re-
fellendæ tuæ sententiæ causa, q; ut quæ me rationes im-
pulerunt, ut eos laudarem: qui quidem quem scirent in
eo scribendi

eo scribendi genere,in quo sibi elaborandum esse duxis-
sent, excellere ac præstare cæteris: illū sibi unū ad imitan-
dum proponeret: eas tu rationes cognosceres, quas tibi
corām explicandi mihi sanè otīū non fuit . Sed anteq; 71
illō ueniam: peto abs te: quoniā initio literarum tuarū
ita scribis, uideri tibi imitandos esse omneis bonos: cur
in reliquis earum ipsarum literarū partibus, eos qui ali-
quādo imitati sunt, uniuersos uituperes laudes nullū?
hoc si te propterea dices facere: quia malos quidem ha-
beas, quos reprehendas: bonos quos ornes, nō habeas.
Prīmū id quidē uerisimile nō est: imitandi artē esse ali-
quā, quæ laudabilis sit: ea uero arte qui sit recte usus, ne
minem unum inueniri: præsertim in tāta imitatorū fre-
quētia, quātā necesse est & esse nūc, & fuisse antea omni
tépore, & deinceps semp futurā. Imitādi enim uim, atq;
sensum ac æmulatione quadā mixtā cupiditatē natura
omnibus hominibus tribuit: quæ sedari & cōprimi ra-
tione quidē potest, euelli prorsus extirparic; nō potest.
Deinde si tibi concedatur, imitatū fuisse recte neminē:
uideo enim tibi etiā Maronē ipsum bonum imitatore
non uideri: cur eam probas artem, in qua tametsi innu-
merabilia se darissima ingenia exercuerint: laudem ta-
men boni artificis, atq; nomen tuo iudicio nullum est
eorum consequutum: ac planē cur non potius ad eo-
rum te sententiam contulisti, qui affirmauerunt imitari
nō oportere: damnauerūtq; quicūq; id facerent, & quo
quo modo

quo modo? Aequius enim fuerat uel in illos te non in-
uehi, quorum artem antea probauisses: uel eam artem
nō probare, cuius amanteis & studiosos homines tāto-
pere fueras, tamq; multis uerbis improbaturus. Nā id
quidē (quæ tua est in scribēdo uis ac eloquētia) facillime
assequeris, ut illos acriter ac uehemē ter infestere. Quā
tu sententiam si eses sequutus: & tibi campum liberio-
rem disputandi patefecisses: & mihi laborem respondē-
di tuis litteris non attulisses. Reiecisem enim te ad Pau-
li Cortesi epistolam, bellam illam quidem, & cum argu-
tulam, tum etiam grauem: qua is Politiani uicini sui do-
cti mehercule, ac ingeniosi hominis: sed (ut mihi quidē
uidetur) non multum prudētis, leuitatem fregit: qui pro-
fecto Ciceronianam illam scribendi rationem atq; for-
mam, à qua longiuscule absuit, sese assequi nullo modo
posse cum uideret: ad eos damnādos, qui sibi illum ex-
primēdum sumpsissent, quiq; omniū o stilum imitatio-
ne aliqua colerent, se conuertit. Itaq; Paulus docte sanè
ac prudenter illius dissimulationem reficiens, tibi etiam
satis facere potuisset, si cum illo sensisses. Nunc autem
cum affirmes imitandum quidem esse uerum non unū
aliquem, sed omnes bonos: hoc quemadmodum accipi-
as nō intelligo. Nā si om̄es ij, cū aliquo uno in genere
boni scribēdi magistri sunt habiti, pares inter se stili no-
bilitate, scriptorumq; elegantia extitissent: concedi tibi
fortasse poterat id quod dicis, non uni eorum operam
à nobis

à nobis esse dandam, sed planè omnibus. Nūc uero cū unius cuiusque ratio uel ingenij, uel artificij unius cuiusque, cū ingenio tum artificio dispar esse dissimillimāq; reperiatur: sitq; aliis alio præstātior: quid esse causæ potest: quin si melioribus operam dederimus: eos, qui minus boni sunt, negligamus? An si inter illos quicunq; boni dicuntur esse, unus est omnium longe optimus longeq; præstantissimus: ut quæ singula insint in cæteris, ea uniuersa in uno illo splendidiora etiam ornatiōrāq; conspiciantur: eum unum multo omnium maximum atq; summū recte imitati cum fuerimus: nisi illos etiā, qui boni mediocriter habentur, imitabitur, nihil proficiemus: quasi necesse sit: qui Apellis more pingere didicerit: cuius artē reliqui pictores admirati, primas ei partes sine controvērsia tribuerunt: illum etiam Polygnoti & Thymantis tabulas, à quibus doceretur, adhibuisse: Aut eum, qui Lysippi excellens ac præclarum singēdis imaginibus artificium expresserit, Calamidis signa rigida, uel etiam magis rigida Canachi fuisse cōtemplatū. Atq; illi artifices cum Alexandri uultum imitari suis artibus cuperent: neminem alium intuebantur: mentem in eum unum suam atq; oculos intendebant. Nos, qui eius scripti simulacrum, quod sit pulcherrimū & perfectissimum nobis proponere debemus: in quo effigie studio & diligentiam adhibeamus. cum illud ante oculos habeamus: ad eorum etiam, quæ non ita pul-

k chra sunt,

chra sunt, exprimendas imagines curam atque animum traducemus? Mihi quidem falli Pice uidetur, qui
» sic existimat: neq; enim ita formati à Dijs immortali-
» bus sumus, ut cū suppeditare nobis ea, quæ prima sunt,
» ualeamus, sectemur quæ secunda sunt: multo minus
» quæ sunt infra secunda. Animus enim noster summū
» quiddam semper atq; altissimum suspicit. Itaq; ut dixi,
ualde miror te non ita potius sensisse, ut alterum eorū
statueres: uel omnino imitari non oportere: uel si imitā-
dū quidē esse duceres: non ad ea quæcūq; bona essent,
sed ad illa tantummodo quæ optima, quæcūq; perfectissi-
ma haberentur, imitationis esse nostræ omnes neruos
intendendos. Nam de Ideis quod scribis, difficile qui-
dē est tibi homini doctissimo, & in omniū philosopho-
rum disciplinis & scholis, multa cū laude atq; gloria diu-
uersato, aliquid affirmanti non credere: sed quam tu es-
se in animo tuo insitam, atq; à natura traditam scriben-
di Ideam atq; formā sentias, de eo ipse uideris. De meo
quidem animo tantum tibi affirmare possum: nullam
me in eo stili formam, nullum dictandi simulacrum an-
tea inspexisse, q; mihi ipse mente & cogitatione legen-
dis ueterum libris, multorū annorum spatio, multis la-
boribus, ac longo usu exercitatione q; confecerim: ad
quod nunc, cum aliquid scribendum est, me cōuerto: ui-
deóq; quasi oculis, sic cogitatione, quæ conficiendo scri-
pto opus sunt, unde sumam. Ante autem, q; in ijs, quas
dico co-

dico cogitationibus magnopere esse uersatus, inspi-
ciebam quidem in animum meum nihilo sanè minus:
quærebamq; tanq; à speculo effigiem aliquam, à qua
mihi sumerem conficeremq; quod uolebam. Sed nulla
inerat in eo effigies, nihil se mihi offerrebat, nihil cōspi-
ciebam. Itaq; si quid calamo uterer, si quid molirer: non
lege, non iudicio quo uolebam, sed temere inconstan-
terq; ferebar: nulla me earum, quas commemoras, Idea
specieśq; moderabatur. Neq; uero sum nescius: te id cū
dices, de Platonicorum sententia dicere: qui quæ pri-
mæ, quæc; præstantia in natura rerum sunt, uel esse ali-
quo modo possunt, ad diuinæ illas imagines specieſq;
referebant. Ac ego quidem sic existimo in ipso mundi
ac rerum omnium autore & effectore deo, ut iusticiae,
ut temperantiae, ut aliatum uirtutum: sic etiam recte scri-
bendi speciem quandam diuinam illam quidem, & cui
nihil desit, atq; omniño beatissimam existere: ad quam
& Xenophon & Demosthenes, & ipse imprimis Pla-
to, tum & Crassus & Antonius & Iulius, & maxime o-
mnium Cicero, cum dictarent aliquid & scriberent,
quantum consequi cogitatione poterant, respiciebant:
atque ad illius quam animo conceperant imaginem,
stilum menteñque dirigebant. Ideoque nobis fa-
ciendum arbitror: conandumque modis omnibus, ut
ad eius formæ simulacrum scriptis nostris, quoad fieri
potest, quam rectissima, quamque proxime acceda-
k 2 mus. Quod

mus. Quod si in animis etiam nostris Ideæ illæ insi-
dent, quas dicas, singulæ in singulis: tum diuersæ inter se
atque uariæ: prout illas à natura ipsa ego pro mea, tu
pro tua, pro sua quisq; animi corporisque temperatio-
ne initio nascendi est sortitus: ab ijs si cura diligentiaq;
nostra stilum flectere in quacunq; uolumus partem no-
bis licet: cur non tu eum unum, qui sit omnium maxi-
mus atq; sumus, imitari nos tantummodo statuis opor-
tere: si nō licet, cur omnes bonos? Nam & inuidiosum
quidem est, quod homines possunt assequi aliquo in
genere optimum, id omnibus nō proponere: & super-
uacuum omnis illis bonos imitandos esse dicere, qui-
bus animum à sua scribendi specie atq; forma: quam à
natura traditam possident: facultas reuocandi non est
data. Sin uero, quod est tertium atq; ultimum, in quo-
rundam animis Ideæ illæ atq; species eiusmodi insunt:
ut si quis studium adhibeat, uerti atq; inflecti facile pos-
sint: in quorundam autē eiusmodi, ut nullo modo pos-
sint: eodem tamen decidas, eodem labare necesse est. nā
neq; ij, quibus negatum est aliquò progredi, ad ullum
imitationis genus inuitandi sunt, neq; non ad optimū:
qui quo libuerit, si uolent progredientur, sunt incitan-
di. In alteris de facultate ne quid detrahatur, adhiben-
da cura est: ab alteris, ut inepti esse desinant, non est re-
quirendum. Ac ego illis nec imitandum esse quenq; sta-
tuo: nec uero ullo in genere quicq; conandum, qui pra-
uo, qui

oo, qui tenui, qui inerti ingenio sunt, qui durā atq; im-
placabilem naturæ suæ quasi faciem præferunt. Scri-
bant ī mihi libros, nec neūigilent, dormiant, nihil mor-
tor. Eos uolo, eos alloquor, qui si operā dederint, si ani-
mo non frangentur, nihil non assequi poterunt: & quo
rum ingenia, si excolantur, fructus uberes atq; magnos
ferent. Neq; illud me mouet, quod existimem , qui ita
formati sint: ut quibus artibus animū intenderint: quo
in genere scribendi elaborauerint: sua illos spes non sit
frustratura esse non multissimos. Neq; enim aut Cice-
ronem à scribendo deterruit pulcherrimos illos De ora-
tore libros: quod qualem in īs statuerit oratorem esse
oportere, talem fortasse neq; legerit ipse unq;, neq; au-
diuerit. Aut Plato Reip. suæ leges propterea nō perscri-
psit: quod eas ab usu atq; consuetudine gentiū longius
abesse arbitraretur, q; quibus ullos populos, ullam ciui-
tatem esse usuram cōsideret. Qui enim artem aliquam
recte præcipiunt: nō id cogitant, ut omnes assequi eam
possint: sed id potius, ut qui potest, ita assequatur, ut ni-
hil possit esse eo in genere præstantius. Quicquid autē
est eiusmodi, qui præstanti ingenio non sit, aggredi for-
tasse potest: assequi atq; perficere nequaq; potest. Itaq;
mediocritatem ingeniorum reiçiunt: nihil enim medio
cre idem atq; præstans est: quod cum sit, pusillū ad nu-
merum res redigatur necesse est. Præstantia enim quæ
sunt, eadem perrara esse cōsueuerūt: rariorāq; quo præ-
stantiora:

stantiora. Præstantium autem rerum paucitas ,medio-
cruum multitudini, non modo non posthabenda ,sed
longe etiam anteponenda est. Placetq; Nautes ille mi-
hi Virgilianus, qui Aeneam admonet, quo in Italiam
transmittere facilius possit: quicquid inualidum ac me-
tuens peridi est, esse rei sciendum : quod cū esset factū,
Poëta statim intulit:

Exigui numero, sed bello uiuida uirtus.

Ex quo apparet: Poëtarum sapientissimum non uirtu-
tem modo in illis, quos commemorat, requisiuisse, sed
etiam uiuidayam, hoc est præstantem. Quanq; quidē nō
ego ulla simulacra, quæ nūsc̄ sint, quæque uix animo
percipi possint: quemadmodum illi duo, quos dico, fe-
cerunt: nostris hominibus ad imitandum propono : cū
eum unum, qui sit omnium optimus atq; præstantissi-
mus, illis propono. Quod si facerē, nūc̄ me tamen illo-
rū defendere exemplis. Potest em̄ quilibet cū oratoria, di uti,
ac rerumpubl. ratione atq; modo constituendarū , tum
aliarum planè rerū artes & disciplinas ita tradere, ut ad
excellentiorem statum atq; formam uelit earum cupi-
dos progredi, quām cuius simulacra oculis cernātur, ma-
nibusq; contineantur. Imitatio autem quia in exemplo
tota uersatur, ab exēplo petenda est. Id si desit, iam imi-
tatio esse ulla qui potest: nihil est enim aliud totū hoc,
quo de agimus, imitari: nisi alieni stili similitudinē trans-
ferre in tua scripta: & eadem quasi temperatione scribē-

di uti, qua is est usus, quem tibi ad imitandum proponisti. Sed redeo ad illud: quod ait, imitados esse omnes bonos: queror quod iterum abs te: uelis ne nos ita bonos omnes imitari, ut eorum cuiuslibet uniuersam scribendi rationem exprimamus: an satis habeas, qua quisque in rationis suae parte maxime bonus est habitus, eam nos tantummodo ab uno quoque mutuari: atque ita multis ex rationum partibus, quibus rationibus sunt alii permulti usi, unam confidere rationem integrum, qua utamur? Vtro modo accipi dogma istud tuum malis, uide. Sed priore uelle te non est existimandu. Quid enim esse potest absurdius, quam quas multi species scribendi atque formas, diuersas illas quidem inter se, multumque saepe differentes sunt a sequenti: suis eas membris omnibus, suis partibus praeditas, una in scribendi forma ac specie uelle uniuersas exprimi atque contineri: quasi existimes, exaedificandis unis aedibus multa aedium exempla uariarum imaginum atque operum omni ex parte posse representari. Altero modo si te dices uelle: Primum iam id quidem imitari, non est plurimis ex partibus, quae stilum singulorum conficiunt, aliquam unam tibi sumere: ut cum id saepius feceris: sumere autem ex multis potes: stilum inde conficias tuum. Exterpere id quidem potius dicendum est: aut, si libet, etiam mendicare. Ita enim degere homines in uitius mendicitate consueuerunt: ut quae sibi opus ad uitam:

uitram sunt, non ab uno, sed à multis perant. imitatio autem totam complectitur scriptio[n]is alicuius formā, singularas eius partes assequi postular: in uniuersa stili structura atque corpore uersatur. Neque enim qui Salustianam breuitatem assequutus sit: uerbis autem illam aut obsoletis aut popularibus, structura etiam incōcina congreguinauerit, Salustiū imitari est dicendus. Neq; qui Iulij Cæsar is in enarrandis rebus temperantiam expresserit: sermone uero planè rudi in illa exprimēda sit usus: is erit proprerea dignus existimandus, quem Cæsar is imitatorem uocemus. Totam mihi oportet eius stili faciem exprimat: cuius se imitatorem dici uult, quē eo nomine dignum putem. Itaq; Cicero cum eius uerbi definitionem traderet: imitationem esse dixit illam, qua impellimur cum diligenti ratione, ut aliquorū similes in dicendo esse ualeamtis. Sunt ne ista Pice Tulliana uerba singula, quæ cōmemoro? Qui autem fieri potest: ut aliquorum similes esse ualeant h[ic], qui de singulis sumunt quod exprimant: de omnibus, ut nihil assequatur. Deinde, si tibi etiam de uerbo concessero: ambitio, se enim tecum agere nihil uolo, Nā tua ista imitandi multos ratio optari potius quām sperari, singi quām teneri, ore dici quām re perfici facilius potest. Nā neq;
 » qui eodem tempore imitari plures uult, quicq; ab ullo proficiet: distrahit enim mentē atq; sensum copia, neq;
 » hærere animum sinit: cuius autē in nullo hæret animus,
 is omnino

is omnino recte conficere nihil potest. Neq; qui alium post alium aggreditur: ei quā in uno curam intenderit, nō in alio sāpe remittere necesse est. Capimur enim pleriq; omnes nouitatem: à qua ita oblectantur quidam, ut etiam illa damnent, à quibus recesserunt. Accedit eodē scriptorum diuersitas & dissimilitudo. Itaq; dediscēdæ plerunq; sunt ueteres perceptiones: ut nouis perceptiōnibus curam atq; animū adhibeamus. Placet enim in alio cum dignitate quādā quasi seueritas orationis: hilaritas in alio, comitas, lusus ipsi multū probantur. Horum cum imitari alterum didicerimus, alterū doceri aggrediamur. Reijcere multa cogimur eorum, quae paulo ante summa industria, summo nostro labore sumus cōsequuti. Quamobrē frangitur studium, debilitatur diligentia, contentio illa nostra ardorq; omnis animorum elangescit atq; restinguitur: dum huc illuc tanq; à fluctibus, sic in exemplorum uarietate iactamur. Postremo quod tu singulas uniuscuiusq; bonas parteis imitādas esse tantummodo existimas: id si recte consyderabis, quo modo assequi possis, non inuenies. Omnibus enim ex partibus uniuscuiusq; scriptoris conflatur coalescitq; id quod in quoq; bonū atq; præstans est: omnes eius uirtutes, & uero etiam uitia, si qua insunt in illo uitia, eam conficiunt. Nam ut hominum uultus, aliis morum benignitatē, aliis alacritatem naturæ, animi aliis fortitudinem, aliis ingenij fertilitatem, aliis maiestatē,

I alius

PETRVS BEMBV

• alius uenustatem præferunt: et autem singulæ indo-
 • les non ex oculorum, aut ex superciliorum solummodo
 • forma: aut oris, aut genarum, aut cæterarum ex aliqua
 • partium qualitate: uerum ex omnibus sui quæq; uultus
 • partibus atq; membris sunt cōstitutæ: ut si quis aliquā
 • pictor imitari colorib; uelit, is singulas eius faciei par-
 • tes, cuius est ipsa indeoles, ante exprimere cogat. Ita me-
 • hercule in scribendi rationibus insunt eæ, quas lauda-
 • mus, siue uirtutes, siue lumina scriptorum singulorum:
 • quas profecto uirtutes præstare nostris in scriptis mini-
 me possumus: nisi etiam uniuersas illas, quarum sunt i-
 psa lumina, scribendi rationes præstemus. An tu cando-
 rem illum puritatēq; sermonis, quam in Iulio esse ma-
 ximam atq; mirificam uidemus, imitari te posse existi-
 mabis: nisi & temperamento fueris usus tanto, quanto
 ille maiore usus est, q; unq; alius: propterea, quia ipse
 de se scripsit, ne aut odio in scribendo uideretur, aut cu-
 piditate ulla duci? & neglectum eundem eloquutionis
 expresseris, qui est ab illo uel necessitate institutus: quo-
 niam plurimis agendis, maximis difficultimisq; rebus oc-
 cupatus, diligentiam in scribendo maiorem adhibere
 non potuit: uel accersitus industria, ne planè crederetur
 potuisse: ut existimarent homines: multo plus illū gra-
 tiae scriptis fuisse acquisitum suis, si plus ei tēporis ad
 scribēdum bellicarū rerum occupatio suppeditauisset.
 Atque ipse quidem candor nō ex sese, sed cum ex alijs,

tum ex

tum ex his duabus præcipue partibus constare mihi ui-
det, quas dico. Has si tu duas parteis non præstabis, cā
dor iam ille tantopere laudatus nunquam mediusfidi-
us exprimetur: sin præstabis: uoles autem etiam Cicero
nianam illam maiestatem scribēdi assequi, quā omnes
laudibus usque ad cælum ferunt: neque hoc quemad-
modum optabis, efficies: & illud quod effectū iā erat,
perturbabis. Quantum enim addes ad alterum, tantū-
dem ex altero adimas necesse est. Ita quæ per se atque
sciuncta eximia utraque præclaraque habentur, eorum
neutrum, si permisces, suam pristinam faciem dignita-
temque retinebit. Quod si & candorem Cæsaris, & ma-
iestatem Ciceronis, tum & Salustij breuitatem, & uber-
tatem Liuj, & nitorem Celsi, & diligentiam Columel-
læ: si denique quod in unoquoque scriptorum egregio-
rum proprium esse lumē, tanquam in uultu indoles cō-
spicitur: ea omnia præstanda esse statues scriptis tuis: ue-
reor ne non tam quidem imitari illos uoluissē, quam il-
ludere: neq; tā assequi, quam peruertere uideare. Quā
tamen si effugies calumniam uoluntatis tuæ: illud certe
non evitabis: quin appareat, neminem te illorum nō di-
cam recte assequi, sed etiam effingerē mediocriter po-
tuisse. Denique si quis deus id, quod sponte nostra fa-
cere nullo modo possumus, te doceret: artem uidelicet
quandā nouam ac planè diuinam: qua imitari multos
calleres, quemadmodum præcipis: tamē esset uerendū,

Suppl.

I. 2. num illa

num illa sanè arte tibi esse utēdum statueres. Qui enim fieri potest, ut qui multos assequi una scribendi ratione uult eius oratio non dissimilis, non impar, non sibi diuersa in constansq; sit, non inconcinna, non parum coherens: dum huius lenitatem, illius uero ardorem, alterius ornatum, alterius negligentiam: quæ quidem inter dum ut in muliere non fucata facies, sic in scribente gravior est: sexcenta præterea alia uaria, multumq; differen tia scribendi genera qualitateq; complectitur. Ac mihi quidem uetustissimi Poëtæ finxisse Protea uidetur: cum illum modo aquam fieri, modo ignem, modo bel luam dicerent: nunq; tamen eodem aspectu plus una formam præ se tulisse: non solum quia id posse fieri nō existimabant, sed etiam propterea, quod quo pacto diuersæ facie res inter seç; uariæ apte coniungerentur, nō uidebāt. Sed iam de tuis literis hactenus, uel potius de ea tuarum literarum parte, ad quam quidem responde re me opera&preciū duxi. Nā ad om̄es neq; multū necesse fuit: & hæc ipsa satis multa esse possunt: præsertim tibi qui nō modo ea, quæ scripta sunt, qualia sunt, recte p spicies: sed illa etiā, quæ scribi in hanc sententiam pos sunt, ex ijs, quæ leges, per te ipse facile consyderabis. Ve nio igitur ad illā partem sermonis nostri, in qua ea meā sententia fuit: ut dicerem, eos mihi uehementer probari, qui prosa oratione scripturi, Ciceronem sibi unū ad imitandum proponerēt: heroicis carminibus. Virgiliū.

In quā

In quam omnino sententiam nō sanè ut primum eiusmodi res tractare animo cœpimus, statim adducti sumus: sed post multas cogitationes, ac per quosdam quā si gradus ad eam accessimus: ut non temere illa inuenta finē progrediendi fecisse, atq; in ea quieuisse uideamur. Nam initio quidem illud mihi saepe ueniebat in mentem: ut in philosophiaꝝ opinionibꝫ atq; sententijs, sic in scriptorū generibus & stilo, nullis nos legibus subiici: nemini addici, atque astringi oportere, sed quod in quoque probaretur, id sequi. Quā profecto sententia tuæ fuisse sententiaꝫ similis atque cognata uidetur. De qua quidem me tentantem conātemq; eo in genere toto multa, illæ tandem rationes depulerunt: quas superius, te ut etiam de tua dudererēt, si possent, collegi. Itaq; ea sententia deiectus ad illud me contuli: ut ducerem, æquius esse, & profecto conducibilius, nouam intentiā ab alijs rationem ac plane suam quenq; confice re scribendi: id ē putarem omnes homines, nisi inuidi atque maleuoli essent, laudatuos. Quod cum placuisset, uellem autem, quantū in eo possem, experiri: omnis nostra cogitatio, diligentia, studium, omnis deniq; noſter labor irritus atq; nullus fuit. Nihil enim inueniebā, quod nō uel ab aliquo ueterū scriptorū stilo haustū uideri facile posset, uel omnino si id effugeram, tamē cū ad illorum scripta conferebatur, mihi non summopere displiceret. Quippe quod uenustatē sermonis, proprie-

tatem,

tatem, maiestatem eorum saeculorum non redolebat:
nullum antiquitatis uestigium, nullā notam referebat.
Ad hanc frustrationem laboris nostris illa cogitatio ac
cessit: quod animaduertebam eos, qui se neminē imita-
ti profitebantur, partim scribendo parū admodum pro-
fecisse: partim etiam suis cū libris atq; scriptis planè inui-
sos & despectos iacere. Quamobrem ea etiam sententia
damnata aliam inire rationem statuimus: quæ quidem
eiusmodi fuit. Volo autem singulos tibi animi mei
motus consiliorumq; uarietates perscribere: ut si aliqua
ex parte prodesse tibi error meus possit, ea ne celere. Nā
quoniā ita natura comparatū videbam: ut quoties ma-
gnum aliquid atq; arduum moliri homines cuperent:
eius si facinoris exemplum haberet aliorum, qui idem
aliquando essent conati: ea re multum illis curæ ad id,
quod aggredi statuissent, multum laboris, multum etiā
ambiguitatis, multū deniq; difficultatis demeretur: co-
gitare cœpi ihs in studijs, quibus semper dediti fuimus,
optandum esse: ut quem quisq; imitari posset, qui scribe-
re aliquid cuperet, ne deesset. Itaq; siue ut in itinere con-
ficiendo cum ducem nocti sumus, securiore animo uiā
ingredimur: sic in reliquis rebus alacriores ad illa su-
mus, quorum doctores & magistros habemus: siue
etiam ad omnem excellentem laudis & gloriae cupidita-
tem nulla re magis, tñ aliorum æmulatione incitamus:
mihi quoq; idem faciēdum putauī, cum poëticis in stu-
dijs, tū

dījs, tum in oratoria disciplina: quod permultos fecisse intelligebam: ut in utraq; earum artium, & ducem quē sequerer: & gloria illustrem, quem æmularer, eligerem: mihiq; ipse quasi signum proponerem, ad quod quidē conarus omnes nostri cogitationesq; dirigerentur. Id tum deliberauissem: magna me hæsitatione tenuit: debet rem ne eos, qui mediocritem non excederēt: an illos potius, qui essent omnium eminentissimi, statim initio aggredi: quos omni studio colerem: ad quorumq; similitudinem me quām diligentissime compararem. Nam si animum ad summos adiecissem, illud uerebar: ne me uel rei difficultas ab incepto deterreret: uel certe frangere suscepti oneris magnitudo: cum me parum proficeret optimorum scriptorum longeq; præstantissimorum exemplis comparationēque cognoscerem. Sin autem mediocribus me tradidisset: equidem sperabam fore: ut cum ab illis, quantum uellem, profecisset, & facilior mihi esset & planè tutior ad eos transitus, qui primi haberentur. sed angebar animo: quod ut odore nouum uas, sic quo primum rudimento stilus imbueretur, per magni interesse audiebam: mentem etiam & cogitationem meam, multo libentius in summis excellentibusque viris fixam erectamque detinebam. Vicit tamen, siue timor siue imbecillitas planè nostra uoluntatis propensionem: qua traheret. Itaque dedidi me ijs magistris instituendum: quorum scripta non tam

tam laudarem, quod bona: q̄ recipere, quod paratio
ra optimis commodiorāq; ad imitandum uiderentur.
Eos igitur acerrimo studio, summāq; diligentia cū tam
diu essem sectatus, quoad mihi uideref me eius, quod
concupieram, magnam esse partem consequutum: ad
illos me contuli, quos esse facile principes omnium ho-
minum testimonio sentiebam: ut eos item sequerer, ani-
mumq; meum atque mentem ad ipsorū rationes hau-
riendas imbibendaśq; traducerem. Id cū sedulo etiā
atque etiam experirer: mea me delusum spe sanè atque
deceptum cognoui. Non enim solum faciliorem mihi
eorum imitationem aliorum scriptorum imitatione
non esse factam: sed multo etiam difficiliorem, præclu-
sosq; ad eam aditus potius quam patefactos uidebā.
Nam, quā mihi usui putabam fore insumptam in ex-
primendis mediocribus operam, ea sanè impedimen-
to fuit. Animus enim iam noster diligenti exercitatio-
ne illorum scribēdī rationibus eruditus atque assuetus,
eundem morem diu retinuit: à quo quoniam aberat is,
quē de optimis hauriri oportebat: contra quam existi-
maueram fiebat: ut scilicet multo minus ad eos expri-
mendos essem idoneus, q̄ si me nunq; mediocribus
tradidissem. Quare multis me meis laboribus id unum
esse assequūtum cognoui: ut imitari summos incipere
mihi certe ne tum quidem liceret propterea, quod ea di-
ciceram: animumque meum ijs quasi maculis infecerā,
quibus

quibus residentibus perfectæ rationis ulla in eo depin-
gi recte facies imagóq; non posset. Deleti uero ea, quæ
quis diuturno studio in animum induxit suum: non tā
sæpe facile est, quām oportet. Sed nihil est profecto tā
perdifficile tamq; durum, quod non labore nostro pos-
se uinci superarique uideatur: præsertim si in eo quan-
tum facere & consequi possumus, contendamus. Itaque
summa à nobis adhibita diligentia: è memoria tādem
nostra deletis penitus ijs, quæ alte tunc imitatione non
optinorum insederant in ea rationibus, omne meum
studium ad illos contuli, optimos atque summos quos
dico. In quo quantum profecerim si me roges: sanè ni-
hil tibi respondebo: præter hoc unum, mei me consiliij
non penitere: præsertim cum eorū scripta lego, qui aut
nullum, aut omnes, aut non tantum optimos effingere
præstarēq; uoluerunt. Sed non debebis tu quidem ab
hac capessenda scribendi ratione absterreris: etiam si mi-
nus tibi id, quod alijs persuadere cupimus, uidemur esse
ipsi consequuti. Non enim quantū potuimus, in eo im-
pendimus uel temporis uel laboris: quippe qui etiā uer-
naculo sermone quædam conscripsimus, cum prosa ora-
tione, tum metro planè ac uersu. Ad quæ quidem cōscri-
benda eo maiore studio incubuimus, quod ita depra-
uata multa atque peruersa iam à plurimis ea in lingua
tradebantur, obsoleto propè recto illo usu atque pprio
scribendi: breui ut uideretur, nisi quis eam sustentauis-

m set, eò

set,eò prolapsura ut diutissime sine honore,sine splen-
dore,sine ullo cultu dignitatēq; iaceret. Quare nō opor-
tebit te exemplū à nostris scriptis capere:ut quantū nos
Latino sermone optimis imitandis æmulandisq; pro-
fecimus:tantundem putas alios,nec eo amplius ijsdem
artibus posse proficere:sed id potius cogitare: cum nos
certe aliquid ea simus via cōsequuti(sī modo id aliquid
est,quod à nobis cōfectum est)qui quidem tamē alias
etiam scribendi vias ingressi sumus:illos,qui nihil age-
re,nihil conari aliud statuent,præter id unum:in eo pla-
nè esse, quæcunque uolent , consequituros. H abes o-
mnem rationem consiliū mei : quóque pacto in eam
tandem sententiam , quæ tibi quoque uellem probari
posset, uenerim : quām perplexis cogitationibus, qui-
bus mæandris , uides . In qua porrò adhuc eo liben-
tius conquiesco , quod alijs prius tentatis omnibus di-
ligenter orationum uijs,ea me tanquam portus ex lon-
go errore diu iactatum exceptit. Hanc qui & initio in-
gredi poterunt, & ingressi nunquam se ab ea deflecti-
sinent: quemadmodum illi, qui in cursu nihil offen-
dunt, celerius curriculum conficiunt, q; qui lapsi aliquo-
ties sunt:sic ipsi ad metā citius sine ulla offensione per-
uenient: quancūq; ijs metam suū siue ingenium, siue in-
dustria, siue omnino utruncq; statuerit: quod profecto
etiam sub fortuna positum,atque casu interdum uide-
tur:ita multa in uita sæpe accidunt, quæ auocent ab in-
stituto

stituto animum, aliorumque, quam oportet ducant. Sed illud tenere omnes debebunt: & quantū in quoq[ue] est, niti atq[ue] perficere, qui aut oratoriæ, aut Poëticas stu-
dij delectabuntur: ut cum Ciceronem, tum Vergilium, semel complexi, nūquam dimittant: nūquam ullis alio-
rum scriptorum illecebris ab eorum imitatione æmula-
tionēque reuocentur. Qui si non ita omnibus artis atq[ue]
ingenij luminibus abundarent: si non uniuersis scriben-
di uirtutibus prædicti cumulatiç conspicerentur: essent
aut̄ ipsi ceteris una tantum uirtute probatores: tamen
eos nos unos sequi tantummodo imitarique dicerem
oportere: propterea quod uicinius ad perfectam ratio-
nem illis ducibus, quam ullis alijs progredi & contende-
re possemus. Nunc uero cum nulla omnino uirtus, nul-
lum scribendi lumē, nulla egregia indeoles, nulla laus in
ullo sit, quæ non in utrouis eorum inesse, longe etiam
præstantior atque absolutior reperiatur: multo id no-
bis erit constantius, multo diligentius faciendum: ne si
alios imitando sumpserimus, uel praui iudicij, uel im-
becilli animi notam subeamus: cum aut in eligendo no-
prudentes, aut in aggrediendo timidi fuisse uideamur.
Nam de Vergilio quidem nemo ambigit: omnes in
uno illo omnium poëtarum (de latinis loquor) inueniri
posse uirtutes summa singularicq[ue] dignitate, addūt etiā
admirabiliores multo singulas & præstabiliores: ut si
natura ipsa hominū rerumq[ue] omniū parēs, ea loqui uer-

• sibus uoluisset, quæ ab ipso perscripta sunt: nec melius
• affirment, nec omnino aliter fuisse loquuturam. Cicero
» nem quidam aiunt uerbo siorem esse interdum, quām
» necesse sit; præsertim cum de rebus à se gestis, deq; Cō
» sulatu illo suo mentionem facit: cæterum illum non mo
» do omnium eloquentissimum fuisse, sed ab eo eloquē
» tiam ipsam esse genitam atque natam putant. Ego ue
ro id neque uituperare audeo, potest enim illi concessiſ
se sæpe dignitas sua, aut inimicorum improbitas, aut
Reip. status aliquis, at alia omnino causa atque respe
ctus. Quare quæ aliquibus superuacua in legendo ui
dentur, ea in agendo necessaria fuisse à multis poterunt
existimari. Neq; defendere magnopere labore. Id em
si peccatum est, non stili culpa, sed animi uitio contra
etum est: addo etiam, si uis, iudicij quadam peruersio
ne: dum quæ ab ipso prætereunda silentio fuerant, ea il
li digna uisa sunt, quæ recenserentur: stilos uero & scri
bendi ratio eandem illam egregiam prædaramq; sem
per indolem retinet, eundem orationis splendorem ac
maiestatem præfert. Quamobrem non tam quidem ac
cusandus esse uidetur (si modo accusandus est) quod ea
sæpe cōmemoret, quæ à se reticeri æquius fuit, quām lau
dādus, quod ita semper loquatur, ut cōmemorari aper
tius non queant. Quid si ḥdem etiam parum conſtan
tem fuisse illum dixerint: aut omnino imbecilliorem, q;
uel ratio, uel eius dignitas postulabat: Num erit nobis
propterea

ppterea ab imitatione repellendus: Mihi planè, si idē sentiā, q̄d q̄d quid ego male mehercule sentiā de tanto uiro: sed si ego quoq; idem sensero: mihi eius fortasse uita non usq; quaq; probabitur: orationis autē & stili ra-
tio nihil improbabitur, qui esse optimus in uita nō opti-
ma potest. tametsi id quidem etiam si orationis esse ui-
tium iudicetur: non ego huius imitationis, aut ita par-
tis extendo, præstāda ut uitia sint: nec solū ut in facie ne-
ui: sed ulcera etiam & cicatrices sint exprimendæ: quod
qui faciunt, merito ab Horatio, eo quē tu locum affers,
irridentur: Aut modum præfinio sicut si quis tam præ-
stans ingenio est, tam industrius, tam etiam felix, ut an-
teire magistrū possit: tamen id fieri negem debere, cūq;
is illum cæteris in rebus æquauerit, si prudentiam adhi-
bere maiorem uolet, nō probem. Mihi quidem & Phi-
dias & Polydetus probantur: quorum alter Eladū scul-
pendis, alter Ageladem singendis imaginibus, quos ha-
bebant magistros, superauerunt: Et Apelles, qui qui-
dem in picturæ artificio Pamphilum præceptorem suū
longissimo interuallo post se reliquit. Itaq; ualde mihi
illud exoptandum esse uidetur: ita animatum, ita insti-
tutum esse quempiam: spes ut illum sit omnium homi-
num eloquentissimum futurum: quod & si longe maius
atq; præclarius est, q̄d quod temere sperandum esse ui-
deatur: nulla tamen naturæ lex, nulla præscriptio prohi-
bet, conspici unq; ne possit. Etenim quemadmodū Ci-

m 3 cero inter

cero inter Latinos extitit:nam de Græcis nihil loquor:
qui unus omnes quicunq; ante illum boni scribēdi ma-
gistri fuerunt, excelleret: quod quidem magnum atque
diuinum fuit: sic profecto alius existere aliquando pote-
rit, à quo cum reliqui omnes, tum etiam ipse Cicero su-
peretur. Id autem nullo modo accidere facilius potest,
quām si, quem anteire maxime cupimus, eum maxime
imitemur. Absurdum est enim confidere nos aliam in-
uenire viam posse, quæ melior sit, quām est illa via: quā
Cicero non tam quidem inuenit ipse, quām ab alijs in-
uentam ampliorem, & illustriorem reddidit: præsertim,
cum quo tempore id fieri necesse est, quantum ipsi pla-
nè possumus, nondum exploratum habeamus. Quod
si quem maxime imitati fuerimus, etiam assequemur:
tum adhibēda cura erit, ut illum anteire ualeamus. Sed
omne nostrum studium, omnis labor, omnis nostra co-
gitatio in ijs assequēdis, quos imitamur, maxime omni-
um est insumenta. Non est enim tam arduum eos su-
perare atq; uincere, quos assequutus sis, quām assequi
quos imitere. Quare hoc in genere toto Pice ea esse lex
potest: Primum, ut qui sit omnium optimus, eum no-
bis imitandū proponamus: deinde sic imitemur, ut af-
sequi contendamus: nostra demum cōtentio omnis id
respiciat, ut quem assequuti fuerimus, etiam præterea-
mus. Itaq; duas illas in animis nostris egregias pluri-
marum, maximarumq; rerum cōfectorices æmulationē
atq; spem

atq; spem habeamus. Sed æmulatio semper cum imita-
tione coniuncta sit: spes uero ipsa nostra non tam qui-
dem imitationē, q; successum imitationis subsequi re-
ctissime potest. Ac Ciceronis quidē imitatione omnibus,
qui pedestri oratione scribere aliquid uolent, opportu-
na esse poterit: quacunq; illi de re atq; materia sit scribē-
dum. Idē enim st̄lus aptari rebus innumerabilibus po-
test. Nec audiendi sunt, qui existimant Plinianam de
natura rerum historiā, Ciceroniano scribēdi modo atq;
uia tam percommode explicari non potuisse, ut ab ipso
est more illo suo explicata: quod oportuisset in infinitā
magnitudinē opus excreuisse, si ad illas multiplices in-
numerabilesq; res, de quibus erat scribendum, exuberā-
tiam Cicero suā ornatūc; sermonis adiunxisset. Neq;
enim in omnibus eius scriptis cum idem sit st̄lus, eadē
tamen amplitudo inesse, idem uerborum apparatus cō-
spicitur. Sed quaedam uberiora sunt, & tanq; succi ple-
na: quaedam exilia & suo tantū robore nitentia, ut esse
quasi sine cortice uideantur. Neq; si crescere eorū libro-
rum magnitudo debuisset, non propterea fuissent ipsi
nobis multo etiam gratiōres: cum quanto plus ab eius
calamo atramenti, tanto plus ab ingenio atq; artificio
dignitatis & pulchritudinis haussissent. De Vergilio ue-
ro nō idem possumus dicere, ut idoneus sit: quē, qui car-
minibus delectant, imitari omnes queant. Neq; enim
qui aut Elegos, aut Lyricos conficiunt uersus, quique
uel Co

uel Comœdiarum uel Tragœdiarum scribendarū stu-
dio detinētur: horum ullos Vergiliana carmī. um stru-
ctura, numerus, ratio ipsa multum iuuabit: Sed imiten-
tur h̄j quidem eos, quos habent principes, singulis in scri-
ptorum generibus singulos, atque illis assequendis su-
perandisq; sese dedant. Quod profecto nos aliquādo
fecimus: ut in Elegis pangēdis, qui optimus eo in gene-
re poëmatis nobis uisus est, eum imitaremur. Heroicis
autem conscribendis carminibus qui se dederit: huic cer-
te erit Vergilius ediscendus, ebibendus, & quām maxi-
me fieri poterit exprimendus: quemadmodum corām
tibi dixeram mihi uideri. Atque hāc quidem cum Ver-
gilij, tum Ciceronis, tum aliorum excellētium in suo cu-
iusq; genere scriptorum expressionem non ita intelligi
uolo, ut præter stilum & scribendi rationem (uti autem
me h̄jsdem saepius uerbis non pœnitibit) nihil omnino
à quoquā sumendum existimem. Nam & licuit id qui-
dem certe omnibus: & semper licebit. Quis enim opus
legitimum confidere potest ullum, qui nihil mutuetur:
nihil à quoquā sumat, quod scriptis inserat atque in-
terspergat suis? Quis nō aut sententias, aut similitudi-
nes, comparationesque, aut alias scribendi figurās atq;
lumina: quis non aut locorum, aut tēporum descriptio-
nes, aut ordinem aliquem ac seriem: quis nō etiam aut
belli, aut pacis, aut tempestatum, aut errorum, aut con-
siliorum, aut amorum, aut aliarum omnino rerū exem-
plum aliquod

plum aliquod ab ijs capiat: quos multū perlegerit: quos
diu in manibus habuerit: cum Latinis, tum Græcis, tū
certe etiam uernaculis: ut sunt nonnulli excellentes in ea
lingua uiri? Itaque liceat, quicunq; id facere uult, ut sem
per licuit: sumantq; ab alijs, qui scribunt, quod uidebi-
tur. Sed parce id & pudenter faciant: nō sanè quia sume-
re etiam recte multa nequeamus: possumus enim, &
multi magni atque clari uiri idem fecerunt: Sed propte-
rea, quod præclarus est: illa omnia inuenire nos & qua-
si parere, quām ab alijs inuenta mutuari. Maxime uero
earum rerum ratio tum probabitur, laudabilisquē est:
si id perficimus: ut quae mutuati sumus ipsi, ea splendi-
diora illustriorāque nostris in scriptis, quām in eius, à
quo sumimus conspiciantur: ut non minor in exornan-
do laus, q; inueniēdo fuisse uideatur. Neq; enim mihi
placet Atilius, qui Sophoclis Electram optime scriptā
male transtulisse dicitur: Sed noster Maro, qui ab He-
siodi Georgicorum libris multa sumens, atque in suos
transferens, ea omnia reddidit meliora. Quām qui
dem eius generis ita multa Vergilianos omneis libros
refererunt: ut appareat non tam illum, quod ex se pro-
meret, desyderauisse: quām quod anteiret, ex industria
quaesiuisse: multoque plus in uictoria, gloriæ, quām in
inventione posuisse uideatur. Qua te quidem de re
omni eo monitum uolui: quod sunt quidam, qui non
solum ea quæ ad stilum scriptione inque pertinent: sed

n illa

illa etiam, quæ dico, quæcꝫ de genere alio sunt, cum
sumuntur: uno imitationis nomine includant. Qui qui-
dem mihi Ciceronem, eo quo supra commemorauimus, legisse parum uidentur: ubi ille, quid imitatio sit, de-
finit. Nam si ea profecto imitatio est: qua impellimur,
ut aliquorum similes in dicendo esse ualeamus: in imi-
tatione autem non stili modo, sed etiam materiae, ordi-
nis, sententiarum, aliarumque planè rerum extra sti-
lum positarum ratio includitur: quid est, cur non ego
Aeneæ, Ascanij, Didonis, tantum mutatis nominibus,
Vergilij Aeneida mihi totam sumam: aut etiam ne mu-
tatis quidem? sic enim illi fuerō similior. Quare si no-
lunt ī parum hærentia uideri dicere: aliud sumere, aliud
esse existiment imitari: & cum Heroicorum Catulli uer-
suum rationem imitatum fuisse Vergilium dixerint: si
modo id uolent dicere: tum si eum affirmabunt cum ab
illo, tum à cæteris uel Latinis, uel certe Græcis non poe-
tis modo, sed etiam oratoribus ac philosophis multa
sumpsisse: uerissime pronunciabunt. Ac mihi quidem
ipse interdū uideris, cum tuas literas lego, ita sensisse: ut
utrum quis aliquem imitetur, an ab illo sumat, quod in
sua scripta transferat: differre nihil duxeris: quod si est,
equidem lætor unius tantummodo uerbi interpretatio-
ne mutata: rerum non minimarum, neque sanè spernē-
darum inter nos magna ex parte controversiam posse
finiri. Quid enim mihi esse aut propter nostram bene-
uolentiam

uolentiam iucundius: aut propter aliorum existimatio
nē de tua doctrina laudabilius potest, quām nulla me
in re, abs te magnopere dissentire: homine multarum
maximarūmque rerum disciplinis eruditō, summo in
genio, summa integritate praeedito: & in secunda fortu
na temperato, in aduersa erecto: atque in omni uita ma
gno ac probato uiro: cuius tam multi leguntur iam ha
bēturq; in manibus egregie perscripti libri: ut me nō so
lum opinione hominum facile uincere, sed etiām obrue
re scriptis possis. Sin uero aliter se res habet, tamen gau
deo nullas inter nos opinionum sententiarūmque di
uersitates & contentiones esse tantas posse, tamque gra
ueis: quas profecto uel mea summa in te obseruantia,
uel tuus erga me amor non leuissime ferat: praeferim
cum de amore librum conscribas: de quo qui cæteros
doces, non uereor, ne illud non didiceris: Amandam es
se imprimis ueritatem: idque qui faciat, in eo neminem
laedere: aut etiam qui se facere existimat. nam id quidē
in multis credi quām sciri facilius potest. Quanquām
non ego is sum, qui me falli non putem posse: præfer
tim cum Aristoteleos tam multis in locis libros, atque
uniuersam propè antiquorum philosophiam, abs te re
prehendi uideam. Fieri enim potest, ut quemadmodū
ego recte me sentire existimo, qui tibi uideor à ueritate
abesse longissime: ita tu recte sentias, cum mihi tamen

n 2 uideatur

nideat securus. Neq; illud mihi assumo: ut his literis te atque caeteros, qui aliter sentiunt, ad meam opinionē atque sensum traducam. quid enim esset ineptius, quam cui aut Maro, aut Cicero diuina illa suorum scriptorū tot atque tantorum maiestate imitandos esse se non persuaserunt, id ei putare me una mea epistola persuasurum: Est tamen humani animi, & ut ego arbitror, non contemnendi: qua ipse uerisimilitudine dubijs in rebus cognitionēque dignissimis ducatur, quam plurimos uelle certos facere: ut aut reprehensione aliorum se corrigeret, aut comprobatione confirmare possit. Id me unū noluisse, ut existimes, te etiam atque etiā rogo. Vale. Ro
mæ. Cal. Ia
nuarijs.

M. D. XIII.

IOANNES FRAN-

CISCVS PICVS MIRANDVLA
PETRO BEMBO, S. P.D.



ON ERAM nescius Bembe,
si quæ de imitatione conce-
peram, ea ad te perscripsi-
sem: fore, ut in irritatos cra-
brones incurrerem: uerum
hoc me consolabar, quod eo
rum aculeos plurimum ha-
bere dulcedinis, & quidem
suauissimæ, nō ignorabam:
ut qui sedem haberent in aluearibus dulcissimarum
apum: quæ tantum Arpinatis mellis ipso in iectu relin-
quere solerent: ut sine Paenonij herbis, sine ulla vulneris
obligatiōe, ipsa per se sanitas accurreret, qua in re me
nihil sanè fecellit opinio: rātum enim suavis acrimoniae
præferunt illi ipsi aculei, tantu[m]q[ue] me tua simul, & pu-
pigit, & oblectauit oratio, ut iterū pungi cupiam, quo
possim iterum oblectari. Sed quanquam tu es in scribē-
do multo accuratissimus: locus autem ad me impugnā-
dum amplissimus præberi tibi uideretur: quæ tua tamē
est modestia, quibusdam illum quasi punctis angustū
reddidisti: nam & paucula quæpiā carpis, & multa præ-
teris silentio:

teris silentio. Multum uero de tuo imitationis instituto
& gnauiter & docte pscribis. Ego uero ad om̄ia ea re-
spondebo: & nonnulla etiam si quando se se obtulerit
occasio, quae priori epistola mea contra imitationē mi-
nime attuleram, non grauabor afferre: quo minus me
poeniteat aduersus morosos omnino, ne dicam scrupu-
losissimos imitatores, disseruisse. Principio pugnare
hæc mea in epistola, aut non cohærere sibi uideris existi-
masse, imitandos esse bonos omnis, & imitatores uitu-
perandos. Putasti fortasse idem esse imitari simpliciter
absoluteq; & bonos omneis imitari: quare cum alterū
laudarim, damnarim alterū: haud recte à me factū cen-
sere queant probati rerum æstimatorē. Sed nulla est
rerum, nulla est pugna uerborum: neq; enim illa eadē,
sed diuersa sunt, & ab alterutris longe semota. quando-
quidem cum omnes bonos dixi, & unum etiam quem-
piam proprie atq; signanter exclusi. quem quisquis de-
mum ille fuerit qui duxerit omnino imitandum, & irri-
detur ab Horatio, & à Platone condemnatur. Cur igi-
tur eos laudauerim, quos cōtempsit antiquitas? Atqui
Maronem æmulatorem dixi, qua parte æmulatio præ-
stat imitationi: tantum abest ut eum inter imitatores
collocauerim. neq; opus fuit Bembe, ut affirmarem imi-
tari non oportere: quando non usquequaque, nec unū
quempiam, quod tute ipse arbitrabare: sed bonos o-
meneis dixi nobis proponendos, ut imitaremur eis ui-
delicet

delicet in rebus in queis maxime illos excelluisse putabamus: nihilo tamen minus genium inuertendum non esse penitus admonebam, sed dirigendum esse filum orationis ad cognatam animi propensionem ideamque dicendi. laudaui sanè eos, qui ab unoquoque exerpant libi id, in quo similes merito ut euadant, conari debeant. damnaui qui uniuscuiuspiam scriptoris neuos, cicatrices, uitia, excrementa effingere procurant: quæ ita in corporis oratione quantumvis eximia cernuntur, ac in humanis persæpe corporibus. Potes igitur Bembe percipere me & dialecticæ regulæ illius non esse oblitum, repugnare sibi ipsi inter disputandum fas non esse: & frustra me ad Pauli Cortesij epistolam abs te fuisse relegatum. non propterea solum quod alia est inter te, & me, quam inter illum & Politianum fuit controuersia, sed quoniam quæ Paulus conatus est, assequutum non magis illum uel aliud agens subiudicauit, quam POLITIANVM Tullianam scribendi rationem indeptum fuisse. qua etiam in re tibi non assentior. quandoquidem potuisse illum existimo quemcunque uoluisset scriptorem effingere: eiusque rei aliquando præbuit indicia. Sed maluit ab eruditis haberi se hominem, quam aut seruum pecus, aut simiam. Ac similitudo illa parentum quam nati referant, parum iuuit Cortesium, quāquam iuuenem ingeniosum, & bene de literis merentem. extrinsecus illa tantummodo cernit: nec omnes neuos representat, nec

tat: nec capillorum aut unguium, quæ multi affectant contemnenda præsemina. sunt cip̄ multi qui dissimiles parentibus habentur: egregio tamen colore muniti & faciem & membra præferendo: si non similia, at notæ minime deterioris: iudicantur cip̄ sapenumero non generes, sed longe præstantiores: ut mittam, quod hæc filiorum erga parentes imitatio, natura constat, non arte: ut potior sit illa simiæ comparatio, quam nati: cū hic affectatis gesticulationibus patris uultum, aut corporis reliqui habitū referre nequaç̄ possit: illa quoquo modo uel de longinquo hominum: quorum ē numero cū nequeas omni ex parte pulcherrimum quod effingas corpus inuenire: miror te pulcherrimum quod imiteris orationis corpus, uno in scriptore prorsus inuenisse. quod fieri nō posse, tuo ex Cicerone rescire facile potui sti. Adde quod sublunaria isthæc, ut etiam tibi antea planè testabar, non sunt omni ex parte beata: cum distribuat natura parens non uni tantum, sed multis sua munera, & suas unicuiç̄ rei propriasq̄ uirtutes elargiat. ex quo fit ut pulcherrimum illud quod quæris orationis artificium, ipsa in natura, inque animo potissimum tibi unde eius proxima origo in uerba & literas deriuat, sit indagandum: non autem una uniuscuiuspiam autoris in pagina, in omnibus potius, aut in plurimis omnium. quando uti in uniuerso hoc quod oculis cernimus animantium omnium habitaculo, uariæ sunt rerū efficiendarū.

efficiendarum sparsæ uirtutes, nō coactæ unā in orā: ita
nec uno in autore quasi angulo quopiā hūanæ Reip;
integra & perfecta est norma loquendi cōstituta. cuius
quidem rei priori in epistola multis te admonitū uolui.
Sed quoniam satis ea non fuisse deprehendi: quoniam
iterum dubitas, & quid hæc ipsa sit perfecta in animo
species idéauē dicendi, curiose sciscitaris: haud equidem
dubitabo ea de re plura dissērere: & quanquam te ad
Ciceronē relegare possum: nihilo tamen minus & quæ
ipse sentiat, & quæ ipse putem, ut omnis tandem à te scru-
pulus extrudi possit, & tuas hac de re dissolutas argu-
mentationes agnoscere queas, suſq; deçp; narrare proti-
nus aggrediar. Quid(ait Cicero) maius, quam cum tan-
ta sit inter oratores bonos dissimilitudo, iudicare quæ
sit optima species & quasi figura dicēdi: à bono ad opti-
mum dijudicandum loquēdi difficultas innascitur. Di-
tes fortasse Bembe: quæsiuit illud ipsum Cicero: dein-
de inuenit, & quale nam esset expressit. At illum ipsum
audi hæc uerba promentem: Atq; ego in summo orato
re singēdo talem informabo, qualis fortasse nemo fuit:
non enim quæro quis fuerit, sed quid sit illud quo nihil
possit esse præstantius. singit igitur Cicero qualem nec
uidit, nec nouit. At certe uidit in animo: quod enim fin/
gitur ad alicuius imaginis exemplar: si nulla extat ex-
trinsecus imago, ad eam ipsam imaginem quam men-
te gerit, quisquis ille fictor fuerit, id ipsum fabricari ne-
cessē est.

cesser est. Arrige aures Bembe, & Ciceronis nō meis hau-
ri uerbis, quid ipsa de Idea orationis decernendum sit.
Ego, inquit, sic statuo: nihil esse in ullo genere tam pul-
chrum, quo non pulchrius id sit, unde illud, ut ex ore ali-
quo quasi & imago exprimatur: quod neq; oculis, neq;
auribus, neq; ullo sensu percipi potest: cogitatione tan-
tum & mente complectimur. Idem postea de Phidiæ
artificiosis imaginibus cum differuerisset: non ex animali
exemplo, aut sculptis simulacris eas duxisse illum affir-
mavit: sed in ipsius, inquit, mente insidebat species pul-
chritudinis eximia quædā: quā intuens, in eaq; defixus
ad illius similitudinem artem manūq; dirigebat. Ut
igitur in formis & picturis est aliquid perf. Etum & ex-
cellens: cuius ad excogitatem speciem imitando referun-
tur ea, quæ sub oculos ipsa non cadunt: sic perfectæ elo-
quentiæ speciem non uidemus, effigiem auribus quæri-
mus. Has rerum formas appellat Ideas ille non intelli-
gendi solum, sed etiam dicendi grauissimus autor Pla-
to: easq; gigni negat: & ait semper esse, ac ratione & in-
telligentia contineri. Cætera nasci, fluere, occidere, labi,
nec diutius esse uno eodem statu. qua de re magis mi-
rror te ab ipso quem colis Cicerone, tātopere desciuisse:
qui affirmes, te non tua ex mentis penu, sed ex ueterum
libris traxisse, & multo annorum spatio, multis labori-
bus, ac longo usu exercitationeque, & stili formam & di-
stanti simulacrum: nec ullum antea spectrum, nec ullā
profus

prorsus imaginem bene dicendi tuo in animo consper-
xisse. Verum enim uero quando tu id fortasse nimia ex
modestia & reris, & scribis: ut quod tibi ipsi egregie lo-
quedi munus acceptum referri debet, id antiquorū uir-
tutibus, quas æmulatus fueris, tribuatur: ducam te per
lineas quasdam sine mæandris ullis, aut labyrinthis,
quo ad te ipsum & ad tuas animi dotes facilius perue-
nias: liceat enim mihi de te id, quod tibi de te ipsi non
licet & loqui, & scribere. Tua illa Bembe commode
apte Romanéque dicendi uirtus, nisi à te ipsa pende-
ret, frustra Ciceronem legendō triuisses. quo pacto
enim fieri queat non video: nisi nos ipsos ignoremus:
ut Ciceronis cui piam uni præ alijs scriptoribus placere
possit oratio: qui eius ipsius orationis uel perfectam,
uel inchoatam imaginem mente non gesserit: quan-
do ea ipsa quispiam & dicitur, & querit, & iudicat: si
mille enim simili (ut erat Democriti, nec sine ratione
proverbium) diuinitus copulatur. Sed quid loquar de
Tulliania oratione? illa ipsa in uniuersum, qua de re
tantopere loquitur Cicero, species Ideāue dicendi in-
sidet animo: quæ nisi insedisset, quo pacto fuisset
tanto studio à multis atque ab ipso etiam autore quæ-
sita. quod enim omnino ignoratur, queri omnino
non potest. Itaque si norat eam Cicero: sanè aut ex
se, aut aliunde illam nouisse dixeris, si aliunde, unde
nam quæso? ex aliorum libris? at fuisset inuenta.

o 2 ex aliorum

ex aliorum animo: sed quo nam pacto animus animū
diuersum potest intueri: nisi uerbis ueluti signis atq; in-
dicibus, & quibusdam quasi speculis ad animalem red-
dendam imaginem natura fabricatis: quæ quidē ima-
go quoniam diutius manere nequit, literarum notis tā
tq; uinculis continetur: eam Platonici à primis illis Ideis
fluere sanxerūt. sed ubi nam illæ Ideæ, & quo pacto in-
de manarent animales imagines, inter eos non satis cō-
uenit. degenerare quidem ipsas cum deorsum excipe-
rentur, plurimorum consensu decretum est: adeo, ut ra-
tionum potius cum illaberentur in animos, tq; Idearū
appellatione dignas existimaret: pro captu etiam & ua-
ria excipientium animorum conditione diuersas, quan-
quam suo in fonte nullam uarietatem patientur. atq;
hinc potes animaduertere minus recte sese habere qd;
scripsisti, Xenophontem, Demosthenem, Platonē, Ci-
teronem, alios in ipso mundi ac rerum omnium autore
deo recte scribendi speciem cōtemplatos: cum enim in-
ter sese diuersissimi & sint, & habeantur scriptores, aut
exemplar diuersitatis, aut ipsos imitatores, uel omnes,
uel plurimos, siue hebetudinis, siue inertiae damnaueris:
ad eam uerius quam proprijs quisq; in animis habebat
ab ortu naturæ insculptam, & tanq; inustam imaginē
respiciebant: quam & corporis temperamentum mode-
rabatur, quod unusquisque obtinet ab alio diuersum.
Illud tamen non ignorandum, sublucere ipsa in mente
perfectius.

perfectius quoddam simulacrum: quo congenita ipsa & ex corporeis sensibus dissultans dicendi propensio, & augeri possit & perfici, atq; ad excogitatam speciem imitando referri. qua ex re percipere facile poteris, cur non unum aliquem censuerim scriptorem omnium maximum atq; summum, sed omnes bonos imitari optere. deest enim ille maximus, si perfecto illi quem gerimus animo ipsum committas. dici enim non facile possit, quantum is qui summus habebatur, ipsa collatione decrescat. ex omnibus autem facilius multo perfectio ipsa conflabitur. siquidem propriam unusquisque bonorum, & peculiarem orationis uirtutem sortitus non iniuria existimatur: sic, ut animum etiam & corpus, a quo illa ipsa pendet oratio: quæ sanè ab exemplo petenda est: perfecto illo quidem, non uno aliquo chartis commendato: magis autem ab omnibus bonis ea quam saepe diximus, & nunc ut eam ipsam inculcemos: uidetur opus ratione, qua sparsæ scilicet sunt uirtutes ipsæ & disseminalæ: adeo, ut unusquisque illorum proprium insigne gerat, quod non sit ei commune cum cæteris. Tenuenda aut sunt sua cuiq; non uitiosa, sed tamē propria: ita em censet Cicero: atq; id ipsum paulopost repetens, expendere, inquit, oportebit quod quisque habeat sui, " eaque moderari, nec uelle experiri, quām aliena deceat. " Id enim maxime quemq; decet, quod est cuiusq; suum maxime. Sunt ne ista Bembe Tulliana uerba singula,

o 3 quæ

quæ subiecit: sicuti & alia ex alio eius autoris opere sum
» pta, & sub oculos posita: Ergo sequi debemus pro-
» prium animi instinctum, & inditam innatamque pro-
» pensionem: deinde uarijs aliorum uirtutibus unum
» quiddam quasi corpus coagmentare. sic pictor ille cele-
bratus, populum se dixit habuisse magistrum. sic ille
alius quinque non unam uirginem adhibuit ad simula-
crum in Crotonis phano pingendum: quoniam uno in
corpore non poterat, quæ excellentem pulchritudinem
omnino præsentaret, reperiri. Praxiteles uero cum una
ex Phryne renudatam, & ex mari surgentem Venerem
effinxit: Cupidinem uero nullo ab animali exemplo,
præterquam ex affectibus, quibus intus afficiebatur, ex
pressit: satis dedit intelligi ex animo magis quam ex af-
formata quapiam & in materiā impressa imagine pos-
se pulchritudinem effingi & manifestari: quando Cupi-
dinem ipsum multo excellentissima pulchritudine præ-
stisset matri memoriae proditum est. Ex animo itaque
qui trahunt suo, & qui ex multis aliorum in eloquendo
uirtutibus unum quasi corpus eloquentiae conficiunt: iij
optime dicuntur imitari: non furari, aut mendicare:
quod iij præstant qui in concerpendis clausulis & hemi-
» stichijs ueteris cuiuspiam autoris consenescunt: iij ipsi, si
» forte eueniāt, ut sine illo quem colunt, peregre profici-
» scantur, aut casu quoipiam impediātur, quo minus eius
» ipsius compotes sint, scribere illis nihilominus incum-
bat: harent

bat: hærent in uestigio: nec hiscere uerbum possunt. " At si nunquam loquuntur nisi ex commentario, aut nunquam loquentur, aut parcus omnino quam Laco nes: deque aut nullis, aut paucissimis rebus fiet oratio. ergo uis orationis, quæ conciliatrix est humanæ societa tis, semper erit ex commētario petenda: O uanitatem " operosissimam, o seruitutem incomparabilem homi num, instar aūium caueis inclusarum: quæ uoces huma nas & nullas nisi quibus identidem ferulæ etiam magis sterio assueuerint, reddere nequeunt. Ac sanè Marci Tullij de imitatione definitio, quam attulisti, nobis abunde suffragatur: tantum abest ut refragetur aut noceat: nam aliquorum similes esse oportere docuit, qui imitarentur, notæ alicuius: id autem est imitari uirtutes, uitia relinquere: similis enim potest quispiam esse Ciceronis in facilitate, & perspicuitate, & maiestate: Cæ saris in elegantia uerborum, & candore: Salustij in breuitate, & sententiarum grauitate: Columellæ in or namentis: Celsi in nitore: Plini in lenitate. Iderique poterit elumbe illud, & redundans, & Asianum, si quod tamen est: at certe & antiqui & magni autores ita sensere: in Cicerone damnatum effugere, eiusdem autoris repetitiones nimias declinare: cauere à siccitate Cornelij, à nimis Columellæ floribus, à neglectu Cæsaris: ab obfoletis & Catonianis Salustij uerbis abstinere, neque enim tua illa recipio, imitatores cuiuspiam

cuiuspiā autoris totam eius stili faciem exprimere oportere: quod si næui illā infuscarint, quid erit causæ ut nequeant lucem pro tenebris reponere? si etiam uulnera malas, aut nasum deformarint, frontem aut oculos tantum nequeam imitari? quasi aperta Lacenæ, & opera Thespiae non potuerit Apelles dūtaxat exprimere? aut Lampetæ supercilia tantū? aut aliqua solum ex ijs, quæ apud Philoxenum laudauit Cyclops in Galatea? poterit inquam id præstare is, qui ita erit animo affectus: ut quod est unius cuiusq; optimum, & experiatur & agnoscat in se: ut id tandem sequatur, & ab eo quod illi est aduersum, penitus abhorreat. neq; enim eum, qui huic obeudo muneri sit aptus, uolo ut mētis emotæ, ut obliuiosus, ut tardus sit: sed perspicaci ingenio, memoria tenaci, solertia præterea & industria non mediocri: neque etiā uolo, ut ex hoc & ex illo quicq; decerpatur: ut ex modis loquendi dissimilibus, ita orationem tanq; ex diuersis pannis centonem consuat: sed ut conflentur omnia: exq; ijs ipsis tua propria phrasis, quæ nulla sit eorum: præclara illa tamen, & digna laude coalescat: atq; ita instar apum diuersis ex floribus non ipsos exprimes flores, sed dulcissimum illud aut Hymetium, aut Hybleū mel coagmentatum. Atq; hæc quidem satis (ut puto) futura sunt pro refutandis ijs, quibus nostra de multorū imitatione & idea animi propria rejciebas: respondi enim ad epicheremata omnia, quanquam singulis non eodem

ecodem modo. Nunc, quod neminem unum quod tam
en tu conducere existimas, imitari oporteat: & de tuo
inter imitandū instituto uerba faciam. Imitari nos unū
quempiam omnibus in rebus & modis scriptorem, nec
debere, nec posse prioribus literis patesactum existima-
bam: atque ex ijs quæ hactenus disputauimus, opinor
abunde confirmari potuisse: sed minute magis tractan-
da res est: & exemplis etiam, ut arbitror, munienda. Si
nullum tuum iudicium Bembe in scribendo sequa-
re: sed autoritati cuiuspiam autoris omnibus in re-
bus pareas: quid tandem ex ipsa tua imitatione confi-
cies: similis dices siam. at quo nam pacto: imitabor in-
quies omnia quoad similis euaseris, sed si prorsus eadē
nō dixeris: & eodem modo, eisdem uerbis, figuris, linia-
mentis, numeris, dissimilis & eris & iudicabere. atque
hac ratione imitator nō fueris. quoniam talis nisi à pro-
posito recedas, esse nō potes, nisi similis euaseris. Sin aut̄
ea omnia præstiteris: similem tute ipsum fortasse factū
arbitraberis: alij uel illum quem imitaris, non te quale
uis haberi, esse deceruent, aut furem aut merum exscri-
ptorem iudicabunt. An ignoras proditum memoriae
Criticū illum Aristophanem, consensu docti illius cœ-
tus ad Philadelphi literariorum certamen congregati, eū
damnasse furti, qui materiam ex se nō fabricasset ora-
tionis: hoc est, non propria esset usus inuentione: quid
putas futurū fuisse si alicuius autoris cæsa, & membra

p farto

furto sustulisset: tantum prisca illa ætas monebat stu-
diosos literarum, ut homines tandem uellent se esse, nō
simias: quod subsequuta sæcula custodisse illud sit indi-
cio: quod & Terentius à furis nomine maximopere ab-
horruit: & Manlius gloriatus est sese nō furtū, sed opus
æditurum: ut qui neminem unum sequeretur: quasi taci-
to doceret imitatores nimios à furibus nihil omnino
differre. Dices non esse necessarium uti nos aliorum in-
uentione: ut similes habeamur ijs quos duximus imita-
dos: sed opus esse nostram, qualisq; ea fuerit, ueterū
nomini bus, tropis, numeris, clausulis, periodis, tanç p-
prium corpus panno peregriniſq; coloribus circumue-
ſtiri. sed laruæ, & simulacra, & euanidæ umbræ potius
q; homines dicentur ijs similes, quos cupiunt repræsen-
tare. Deerit enim uiuidum robur & spiritus. Atqui
prioribus in literis ostendimus inuentione, quæ tanç
materia orationis & est, & habetur: & dispositione, quæ
illi aptetur: & elocutionem, quæ utrisq; conueniat, sequi
oportere. si fecus fiat, risus non demiratio excitabitur:
quēadmodum fieri quādo q; assolet: cū pictores quidā
postremi ordinis nec symmetriæ ullius, nec colorū, nec
umbrarum memores, extrema quæpiam lineamēta du-
cunt præclaris pictoribus forte similia: actutumq; autu-
mant se illos probe fuisse imitatos: sed euénit ut suis
quas pinxerint imaginibus postea nomen inscribant
eius ipsius quod repræsentare cupiebant animalis: alio-
qui quid.

qui quidnā essent moliti haudquaç̄ internosceretur.
quod si paulo etiam eruditiores fuerint: ni tamē ex ani-
mo id ipsum p̄miserint simulacri, quale autor ille prom-
psit quem imitantur, neutiç̄ similes futuri sunt, etiam si
omnem operam, curam, omnem deniq̄ diligētiam po-
suerint in imitando. Est id ipsum s̄æpenumero uidere
in curiosis imitatoribus: qui scribendo cum nequeant
quē maxime uellent imitari: similes sese tamē haberi &
cupiunt & dicūt: nō minus & amātes & admirantes sua
quām suos Delphini filios. Ac memini olim me hospī-
tio ad multos menses quendam excepsisse virum doctū
alioqui, nec malorum ut uidebatur morum: sed tanta
in effingendo Cicerone cura, ne insaniam dixerim, la-
borabat: ut semetipse dum quod uolebat omnino non
posset assequi, penè cruciaret: quapropter s̄æpe quaç̄ cō-
posuerat dum recitatet, ut qui se filium esse non nosset,
exclamabat identidem repeatet: Audite simiam
Ciceronis. Fit etiam quandoque, ut uel unum tantum
ex multis detur assequi: & id quod propriè maximeque
imitandū esset peruertatur. quod olim à discipulo quo-
dam Apellis factum me legisse memini. nam cum ma-
gistrum imitaretur in Helena pingenda, ac simulacrum
gemmae, margaritis, auro, purpura refersisset, Helenæ
pulchritudinem sibi ipsi expressisse uidebatur: non ita
tamen uisum Apelli, qui diuite cultu pulchritudinem
imitatam admonuit. hoc ne aliud quām manū & colo-

res non conuenisse cum animo, cui iudicandæ pulchritu-
dinis & arbitrium & potestas? An putas Bembe ullos
nostris temporis Ciceroni fore in loquendo similes: nisi
in intelligēdo etiā similes fuerint. Sanè Augustinus eos
non probat, qui linguam Ciceronis tantum, non autē
pectus admirantur: ut qui probe nouerit eruditam &
ornatam linguam: nisi ab exculti pectoris imaginibus
prodire potuisse. hoc quid est aliud quām cum forma
conuenire materiam, & elocutionem inuentioni, atque
dispositioni ad unguem iungi, & tanqz(ita dixerim) fer-
ruminari oportere? Sed finge quæsto te materiam ean-
dem, aut non dissimilem: finge etiam potiorem nobilio
remqz inuenisse: putabis ne ppter ea posse te illā ipsam
Tulliana elocutione pertractare: ubi enim eadem erūt
periodi, cæsa, membra, pedes, & numeri apud illum sem
per uarij: quæ quidem uarietas indeprehensa est. Alij
enim habentur in actionibus: nam illa omnino est po-
pularis oratio. Alij in libris philosophiæ: quibus doctis
scribebat. Alij in epistolis, atque ijdem etiā s̄epenum-
ro diuersi: ut diuersi erāt & animi affectus, & res de qui
bus agebatur, & homines quibus sua sensa per literas si-
gnificabat. Periodi cæsis, membrisque constituuntur.
haec uero nominum uerborumque compositione, atqz
conflatu constant. illa uero compositio atque commi-
stio tam est uaria qz sunt in oratione clausulae: quas ma-
gis ad numerum nosse non potes:

Quām scire

quām Scire quot Ionij ueniant ad littora fluctus.
 sola enim uerbi cuiuspiā trāspōsitione uariantur. Nec
 pedes & numeri statū sunt atque perpetui, eos ad aurī
 um iudicium: quod est quidem longe diuersissimū. Ci
 cero delegauit. quare non semper ab exemplari: quasi à
 prætoris edicto: aut à duodecim tabulis petendi sunt,
 sed ex animi auriumq; sententia. Necq; enim audien
 di qui etiam à bonis iudicijs explosi, existimant sese Ci
 ceronis imitatores esse: modo duo nomina uel ad sum
 mum tria in calce periodi scrupulose etiā obseruarint; Esse uide
 ut illud esse uideretur, quoad nūeros sāpe repetierint: retur.
 & tui & mei loca quātū spectat ad elegantiā diutissime mei.
 pensarint quasi hæc ipsa etiā quādoq; ille nō uariaue
 rit: diuersis & pedibus & nūeris & lineamētis usus. Atq
 gratis etiā tibi p ueterē nostra amicitia cōcedo: ut istius
 modi sandalia, de quibus priore epistola fecimus men
 tionē, è Romanis ruinis tibi ascuueris: ut in uestigij^s Ci
 ceronis inoffense possis ambulare: do etiam ut tuis pe
 dibus instar Sicyonei calcei eleganter aptentur. Ad re
 liqua corporis membra cum peruereris quid fiet: neq;
 enim ex sandalijs homines uestiūtur. Amictus alij asc
 scandi sunt: sed quoniam eorum nomina uerius quām
 rem tenemus: & figuræ magna ex parte nobis comper
 tæ non sunt: periculum erit opinor: ne paludamentum
 pro toga: ne lacernā pro abolla, ne tunicam etiam pro
 chlamyde capias: tanta est antiquarum uestium no

» stris temporibus ignoratio: puto etiam quandoque de
» ligi incōsulto posse pro sago masturcā & sarrabaram.
» sed eò etiā procede: ut imagineris Apellem te: aut Zeu/
sim: Phidiam etiam & Praxitelem & Lysippum & Pyr
gotelem excitasse ab inferis: ut tibi non uestes: sed cor
pus Ciceronis repräsentent. ubi em̄ magni illi artifices
tibi uel penicillo, uel carlo, uel arte fusoria imaginē eius
ipsius, sub oculos posuerint: suo ipsorū erunt officio per
functi. pictus tamen ille uel marmoreus: uel æreus Cice
ro fuerit: non carneus, do etiā aliquid plus: carnem quæ
Ciceronis fuerat affequantur imitando: at animū: at
spiritum: quibus illa ipsa caro informabatur. num igit̄
uerus ille solum habendus Cicero: qui scilicet formā ora
tionis concipiebat animo: & uiuidum robur adiciebat:
» & gratiam: mox huiuscemodi omnes promebat animi
motus interprete lingua? Oportet itaq; gerere animo
conceptus Ciceronis: esse præterea instructos rerū mul
tarum: & magnarum doctrina & experimentis eos: qui
se existimant uiuam linguam Ciceronis esse consequi
tos: ne si Tulliano careat spiritu eos Cato nuncupet
Mortuaria glossaria. Dices fortasse te uerba primū ob
seruaturum: inde numeros & lineamenta structurāq;
omnem: nihilq; prorsus afferre quod non sit etiam al
latum à Cicerone: nec alijs omnino loqui de rebus uel
le: quam de ijs de quibus ipse differuit. hoc furari erit
Bembe: non imitari. Hoc Aristophanes ille non fer
ret: tan

ret: tantum abest ut probaret: quando etiam ut pœnia afficeretur censuit: qui quæ alij dixissent suis in luci brationibus ipse retulerit: idque eius iudicium totius penè Græciæ: quæ tum maxime literis florere credebatur: consensu publico est approbatum. Venio ad imitationem, qua te ipsi tibi proposui. Se dicis Ciceronem prosa oratione, uersu Vergilium: & quam tibi dediscere & aboleri ex animo phrasim perdifficile fuerit: quam ex fontibus autorum secundi ordinis imbiberas: ut quæ impedimento esset hauriendæ celebratissimorum autorum elocutioni: nequaquam enim tibi rem futuram cum ijs, qui se neminem imitari profiterentur: quoniam scribendo parum admodum profecisse tibi uiderentur: & cum suis libris atque scriptis planè inuisos, ac despectos iacere. Ego quidem ni te uiderem Bembe tam Ciceroni addictum quam qui maxime: & in eius non solum uerba (quod dici assolet) iurare: sed apices etiam literarum: & puncta: quibus interstingitur lectio: tanquam in arcanis custodite: conarer in id: uti docerem fieri non posse: ut sis omnino similis Ciceroni. hoc enim aperit ratio naturæ: quam ars imitatur: quæ eadem omnino esse non potest ubi est naturæ ipsius in temperamento diuersitas. Hoc dicitat idea siue species ipsa dicendi: quæ ita sese habet: ut numerus autore Aristotele, qui uel additione uel detractione unitatis tam uariat: ut sine ulla auto-

ritate quilibet etiam è medio possit uidere id ipsum
 esse πᾶν καλόν. Quod si dixeris te ex imitatione si
 non similem, propinquum tamen aliqua ex parte fie-
 ri. ipse quidem tibi ut gratulabor, quod imitando pro-
 feceris: atque inter imitatores quando ita uoluisti egre-
 gium tibi locum uendicaueris: ita tamen non assentiar
 solum Ciceronē quāquām eximius ille, & extra omnē
 aleam haberi prosa oratione, sic numeris omnibus con-
 fūmatum, ut despctis cæteris is nobis omnino sit pro-
 ponēdus: in quem nostra studia & cogitationes diriga-
 mus: feligenda potius ea in quibus erinet: & ascendi-
 cæteri sunt: qui quanquām aliqua re inferiores: præsta-
 re tamen alij in rebus existimentur: quod non solum
 ijs quibus usi sumus rationibus tueri possumus: sed ex-
 emplo ueterum omnium boni nominis scriptorū: qui
 non illum unum: sed multos potius imitati sunt: & se
 ipsos in primis secuti: hoc est propriā animi Ideam pro-
 pensionemq; dicēdi: qua de re priori in epistola longo
 quodam discursu fecimus mentionem: quorum exem-
 plū sequuti sunt nostra tempestate plurimi, inter quos
 HERMOLAVS BARBARVS ciuis tuus: IOANNES
 PICVS patruus meus, ANGELVS POLITIANVS: &
 qui ijs ætate anteibat THEODORVS Thessalonicensis.
 magnos hosce uiros suisse nec tu negaueris, nec ullus ar-
 bitror, qui inter uiros bonos & de literis bene audien-
 tes locum obtinuerit, eorum ne aliquis te quæso
 Bembe

Bembe Ciceronē est imitatus figura dicendi: De HER-
MOLAO id afferre non potes, qui sese totū Plinijs ad-
dixit, THEODORI sectator, q̄ in transferēdis Aristote-
le & Theophrasto, Plinij, Celli, Columellæ delectatus
est charactere: eis autoribus quos interpretabatur con-
sentaneo. Verbis sanè quibusdam Ciceronis uitur, at
non phrasī: alioqui satis ei non fuisset quantum char-
tarum, aut in Piceno, aut in ripis Bænaci decennio con-
ficitur: & si quando aut epistolas scribit, aut in uerten-
dis autoribus Græcis, & Latio inferendis procemiat,
dici iure non potest Ciceronis asseda. Patrui stilus (ut
de incomparabili ingenio & doctrina fileam) Ciceroni
magis accedit quam Plinio, sed proprium quiddam &
peculiare præfert. POLITIANVS uarius in dicendo,
ut qui diuersos quandoque uoluerit effingere, crebrā
tamen in eo acutæq; sentētiæ: multāque lectione & eru-
ditione non uulgari sua referit opera. Si hos Bembe
nullum antiquitatis uestigium redolere putas: si inui-
sos & despectos iacere: quoniam uel omnes, uel eo-
rum aliqui se neminem imitari forte profiterentur: tu
bi non subirascar quidem: monebo tamen ut dicas me-
liora. uiuunt enim in memoria hominū, uicturiq; sunt,
& forte magis quo magis hominum studia processe-
rint: neque enim reijcio Pindaricum illud, ἀμέρας δέπι-
λοι ποι μάρτυρες σοφώτατοι. De me uero illud tantum
afferam, bene mecum actum putaturū fuisse, si ualui
sem Ci

sem. Ciceronem effingere tantisper dum posset dicit: ui
de quām belle is egerit, qui in imitatoribus arcen
dis ipse egregius imitator esse uideatur: magnopere
tamen lætitia non exultassem. illam potius imitatio
nem maximi facerem, de qua Paulus loquitur apo
stolus. nam quanquām recte loqui præclareq; differere
dei donum esse non ambigo: quatenus elegans dicendi
munus in bonis ducitur: si rerum tamē honestarum, &
quæ ad felicitatem conducant pondus non subsit: erunt
ne aliud uerba Ciceronis, quām

Inanes sine mente soni, nūgæc p canoræ:

Propterea censui me meis in scriptis, ut in omni ui
ta, res magis quām uerba præstare oportere: maio
re inque omnino uitæ impendere in dirigidis ad nor
mam ueræ religionis animi affectibus, quām in ora
tione ad Ciceronis amissim lineanda: & illo esse uidere

Esse vide
retur, Cice
roniana
clausula.

tur fine terminanda. Atque hactenus de nostra contro
uersia: quam augere potius uiderer potuisse q; minue
re: si quæ à Græcis rhetoribus quibusdā & nonnullis La
tinis afferuntur, euentiallessem: sed nostra quām aliena ad
præsens attulisse forte præstiterit. Tu autem amice po
tius quām eleganter scriptam epistolam cōtemplatus,
cui nec iustum triduum impendi, boni consulas quæso:
neq; enim egi, ut qui quartanam laudant, aut qui scri
bunt encomia Thersitæ, & Bombylos panegyricis pro
sequuntur. scilicet putasne tempus mihi superesse ad ex
ercendum

ercendum ingenium:quod uix possum tueri,ne tot mo
lestiarū, quibus premor, molibus plane succumbat:pu
taſq; præterea me non ex animo locutum, sed ad oſte
tationem potius:ut qui nolim alijſ conuenire . uera lo
quor:aut ſi decipior:falsa tamen me ſcribere non putaf
ſe existimes, uelim:& libertate potius ingenij ductū q̄
ſeruitate. illa enim ipfa libertate fretus:philofophorum
etiam qui maximi fuerunt noſtra ætate, non proba
re doctrinam ſæpen numero ſoleo:ut qui religio
nis noſtræ res tam ratas certaſque habe,
am, ut nihil certius existimem: homi
num uero ſenſibus propriaque in
dustria nitentiū doctrinas &
placita tam probem, quam
ſeſe mihi aut uera offe
runt, aut ueri omni
no ſimilia.
Vale.

BASILEAE APVD IO. FROBENIVM.

MENSE MAIO, ANNO.

M. D. XVIII.

A 22n 273

Γίνεσθε φρόνιμοι ὡς οἱ ὄφες.


Prudens simplicitas amorē rectū.





Ακέραυοι ὡς ἐν περισεραι.


IN INCLYTA GERMANIAE BASILEA.

M. D. XVIII.









620-1

